

四庫全書

子部

# 欽定四庫全書

子部

御定淵鑑類函卷二百四十三

詳校官內閣學士

臣尹壯圖

主事臣祁韻士覆勘

總校官進士臣繆琪

校對官中書臣陸湘

膳錄監生臣賀瑛

欽定四庫全書

御定淵鑑類函卷二百四十二

人部一

君臣 舊君 社稷臣  
父母 父子 知子

君臣一

增說文曰君者尊也臣者牽也心常牽於君也 原韋  
昭辯釋名曰臣慎也慎於其事以奉上也 白虎通曰  
君者羣也羣下之所歸心也臣者堅也厲志自堅固也  
春秋說題辭曰正氣為帝間氣為臣 增易曰上下

交而其志同也 原尚書曰元首明哉股肱良哉 增

又曰穆穆在上明明在下 原又曰后克艱厥后臣克

艱厥臣 洪範曰惟辟作福惟辟作威惟辟玉食臣無

有作福作威玉食 毛詩序曰天保下報上也君能下

下以成其政臣能歸美以報其上也 禮記曰為人臣

者殺其身有益於君則為之況于其身以善其君乎周

公優為之

于讀為迂  
廣也大也

又曰大臣法小臣廉官職相序

君臣相正國之肥也 又曰君勿以小謀大勿以遠言

近勿以內圖外則大臣不怨邇臣不疾而遠臣不蔽矣

左傳陳無宇謂楚王曰天子經略諸侯正封封略之

內何非君土食土之毛誰非君臣 增左傳曰君能制

命為義臣能承命為信 又曰天子有公諸侯有卿大

夫有貳宗士有朋友庶人工商皆有親暱以相輔佐也

善則賞之過則匡之患則救之失則革之 原孟子曰

君之視臣如手足則臣視君如腹心 又曰君臣主敬

又曰故將大有為之君必有所不召之臣 又曰欲

為君盡君道欲為臣盡臣道 韓子曰勢者君之輿也

威者君之策也臣者君之馬也民者君之輪也勢固則

輿安威定則策勁臣順則馬良人和則輪利 呂氏春

秋曰古之王者其所因多其所為少因者君術也為者

臣道也為則擾矣因則靜矣因冬為寒因夏為暑君奚

事焉 增又曰天道圓地道方聖人法之以立上下主

執圜臣執方方圓不易其國乃昌 原孔叢子曰事成

主裁其賞事敗臣執其咎君總其美臣行其義然君不

猜其臣臣不隱於其君故動無過計舉無敗事 鄧析

子曰君有三累臣有四責何謂三累親所信一累也以  
名取士二累也遠故疏親三累也何謂四責受重賞而  
無功一責也居大位而不治二責也為理而不平三責  
也寬以御軍陳而奔地四責也君無三累臣無四責可  
謂安國家也 增淮南子曰權勢者人主之車輿大臣  
者人主之駟馬體離車輿之安手失駟馬之心而能不  
危者古今未有也是故御馬不調王良不足以取道君

臣不和唐虞不足以為治 原董子曰上臣事君以人

中臣事君以身下臣事君以貨 荀悅漢紀曰君有六

有王主有治主有存主有衰主有危主有亡主體正性

仁心明志固動以為人不以為已是謂王主臣有六有

王臣有良臣有直臣有具臣有嬖臣有佞臣有道事君

匪躬之故達節通方立功興化是謂王臣 增謚法曰

賞慶刑威曰君從之成羣曰君 唐劉知幾上書曰君

不虛授臣不虛受妄受不為忠妄施不為惠 王氏彙



苑曰天道不言而品物亨歲功成者何也四時之吏五  
行之佐宣其氣也人君不言而百姓親萬邦寧者何也  
三公論道六卿分職張其教也是知君逸于上臣勞于  
下法乎天也 楊維禎文膽曰天下大器也有有此器  
者有負此器者君者有此器者也臣者負此器者也匹  
夫有百金之器則必擇其負擇其負故重其人 又曰  
御駟馬者執六轡御天下者正六官

君臣二

增通鑑曰人皇氏相厥山川分為九區政教君臣所自起飲食男女所自始 原淮南子曰君根本也臣枝葉

也根本不善枝葉茂者未聞也有道之世以人與國無道之世以國與人以賢人與之國堯舜是也以國與人桀紂與湯武是也 孔叢子曰衛侯言計非是羣臣和

者如出一口子思曰以吾觀衛所謂君不君臣不臣者也 又曰夫為人臣見非而不爭以陷主於危亡罪之大者也人主疾臣之弼而惡之資臣以箕子比干之忠

惑之大者也

晏子景公問於晏子曰忠臣之事君何

若對曰有難不死出亡不送公不說曰君裂地而富之  
疏爵而貴之有難不死出亡不送何也對曰言而見用  
終身無難臣何死焉諫而見從終身不出臣何送焉

韓子曰晉平公問叔向齊桓公九合一匡君之力臣之  
力叔向稱管仲隰朋之力師曠曰君壤地也臣草木也  
壤地美然後草木碩亦君之力臣何力之有焉 呂氏  
春秋曰魏文侯燕飲皆令諸大夫論已或言君仁或言

君義或言君聖任座曰君不肖君也文侯不悅座趨而起次及翟璜曰君賢君也其主賢者其臣之言直今座之言直是以知君賢也 又曰杜厲叔事莒敖公自以為不知而去居於海上莒敖公有難杜厲叔辭其友曰吾將死之以醜後世之人不知其臣者也所以激君入者之行而厲人臣之節也行激節厲忠臣幸於得察則君道固矣 增通鑑曰漢武帝素喜儒術以趙綰為御史大夫王臧為郎中令二人薦其師申公上使使者奉

安車蒲輪束帛加璧迎之既至以為大中大夫舍魯邸  
上問以治道對曰為治不在多言顧力行何如耳漢  
書曰昭帝時鄂邑蓋長公主左將軍上官桀與其子安  
及桑弘羊皆與燕王旦通謀詐令人上書言大將軍霍  
光擅調益幕府校尉專權自恣書奏留中明旦光聞之  
止畫室中不入有詔召大將軍光入免冠頓首謝上曰  
將軍冠朕知是書詐也將軍調校尉以來未能十日燕  
王何以得知之時帝十四左右皆驚而上書者果亡

唐書曰房元齡貞觀末年以譴還第黃門侍郎褚遂良  
言于帝曰元齡事君自無所負不可以一眚便斥外  
非天子任大臣意帝悟遽召于家 又曰唐太宗問魏  
徵為君者何道而明何失而暗徵曰君所以明兼聽也  
所以暗偏信也堯舜氏闢四門明四目達四聰雖有共  
鯀不能塞也靜言庸違不能惑也二世信趙高梁武信  
朱異煬帝信虞世基皆致亂而不得聞故曰君能兼聽  
則姦人才得壅蔽而下情通矣 又曰明皇欲用姚崇

崇䟽奏十事其七曰先朝褻狎大臣虧君臣之嚴臣願  
陛下接之以禮 綱鑑曰歐陽修論事切直人視之如  
仇帝獨獎其敢言顧侍臣曰如歐陽修者何處得來  
又曰仁宗銳意太平開天章閣引輔臣入對給以筆札  
俾條陳其所欲為者范仲淹退而上十事上悉用之富  
弼上當世之務十餘條及安邊十三策 又曰張昇指  
切時政無所畏避帝曰卿孤立乃能如是昇對曰臣仰  
托聖主致位侍從是為不孤今陛下之臣持祿養望者

多而赤心謀國者少竊以為陛下乃孤立耳帝為感動

吾學編曰上嘗強宋濂飲醉歡笑賦楚辭一章命侍  
臣咸賦醉學士歌曰後世知朕君臣同樂也 又曰宋  
濂致仕賜錦綺御製文集上曰朕最慎賞嘉卿忠誠貫  
金石故以賜卿卿年幾何曰六十八上曰藏此綺三十  
二年作百歲衣公頻首謝 又曰弘治十三年上召劉  
大夏問天下衛所軍士何如大夏對曰江南困于運糧  
江北困于京操此外浪費猶有不能盡知者翌日有造



飛語帖宮門誣公者上曰宮門外人不能至必內臣忿  
不得私役軍士耳 又曰上嘗召劉大夏諭曰事有不  
可每欲召卿議又以非卿部事而止後有當行罷者卿  
揭帖啓朕公對不敢上問何也曰先朝李孜省可戒上  
曰朕與卿論政事豈孜省比曰臣下以揭帖密進朝廷  
以揭帖顯行何異前代斜封墨勅事之可否外付府部  
內咨內閣可也上稱善 王鏊疏曰孝宗刻盡近世壅  
隔之弊常朝之外即文華武英倣古內朝之義大臣或

三日或五日起居侍從臺諫各一人上殿輪對諸司請事上據所見決之有難決者與大臣面議之凡謝恩辭見之類皆得上殿陳奏虛心而問之和顏色而道之故人人得以自盡也

### 君臣三

增捧曰

嚴霜

孔帖魏

崔昱夢上泰山兩手捧日事君之象也唐書段秀實顏真卿贊曰二

臣臨大難蹈之無二色雖千五百歲其英烈言言如嚴霜烈日可畏而仰哉

原天子無客

禮忠臣不潔名

禮記天子無客禮莫敢為主馮君適其臣升自阼階不敢有其室也樂

毅報燕惠王書忠臣之去國也不潔其名

### 增君臣相須

安危自任

唐書杜宗

領度支有勞帝欲拜戶部尚書以問宰相陳彛行荅曰思權予奪願陛下自斷李珣曰祖宗倚宰相天下事皆先平章故官曰平章事君臣相須所以致太平也苟用一吏處一事皆決于上將焉用彼相哉又曰長孫無忌與褚遂良悉心奉國以天下安危自任故永徽之政有貞觀風

### 臨軒以送見像

而思

綱鑑唐明皇初立賓禮大臣故老雅尊遇姚崇每見便殿必為之興去則臨軒以送他相莫如也

唐書德宗貞元三年李晟與馬燧見延英帝嘉其勛下詔曰昔我烈祖體元御極則有不二心之臣王業既成乃圖厥容于凌煙閣永垂來裔君臣之義厚莫重焉已九月我行西宮見老臣遺像颯然和敬在色想雲龍之協期感致紫之艱難親往思今取類非遠

### 上下情隔

聖賢相維

陸宣公奏

議君臣意乖上下情隔唐書崔植初拜中書侍郎穆宗問貞觀開元中治道最盛何致而然植曰太宗資上聖興民間知百姓疾苦故勵精思治又以房玄齡杜如晦魏徵王珪為之佐君明臣忠聖賢相維治致升平固其宜也

### 冠帶對臣裘帽視事

綱鑑宋太祖召賓儀草制至苑門儀見帝岸幘

跣足而坐因却立不肯進帝遽索冠帶而後召入儀遂言曰陛下創業垂統宜以禮示天下恐豪傑聞而解體上歛容謝之自是對近臣未嘗不冠帶又曰王全斌伐蜀屬汴京大雪太祖設醴棹于講武殿衣紫貂裘帽以視事忽謂左右曰我被服如此體尚覺寒念西征將士衝冒霜雪何以堪處即解裘帽遣中使賜全斌

### 論語一部軍戒三篇

綱鑑趙普謂太宗曰臣有論語一部以半部佐太祖定天下以

半部佐陛下致太平又曰王顯為樞密使太宗語之曰卿今典機務無暇博覽羣書能熟讀軍戒三篇亦可

免于面牆  
因取賜之

# 天章召對 中使遺詩

上見前  
文彥博自河  
南入

朝帝嘉其輔立英宗而不伐其功加兩鎮節度使  
將行賜宴瓊林苑兩遣中使遺詩祖道當世榮之

餞

以詩歌

賢於夢卜

網鑑趙普罷為武勝軍節度使帝  
作詩餞之賜宴長春殿又曰宋

仁宗以文彥博富弼同平章事語歐陽修曰古之命相  
或得諸夢卜今朕用二相人情如此直不賢於夢卜哉

御賜圖書

官供酒饌

明紀宣宗御文華殿賜輔臣  
宴義夏原吉楊士奇楊榮胡

濙範銀圖書義曰忠厚寬弘原吉曰含弘貞靖士奇曰  
清方貞靖榮曰方正剛直濙曰清和恭靖又曰宣宗

召宴義夏原吉楊士奇楊榮等十有八人游萬歲山曰  
天下無事雖不可流于安逸然古人游豫之樂不可廢

也復命乘馬游小山中官出

酒饌皆珍奇及歸天已暝

詩題喜雨

圖咏幽風

明紀宣宗敕賜少師蹇義少傅楊士奇楊榮等御製招  
隱歌及喜雨詩 又曰上賜蹇義楊士奇楊榮等御製

幽風

西域進獅

撫臣獻璽

明紀西域進獅子禮部  
尚書倪岳言獅者外域

圖詩

之獸真偽不可知使真非中國宜畜非真無為外域所  
笑詔還之 又曰陝西巡撫熊紳得玉璽來獻禮部尚

書傅瀚言以史備考之形制篆刻皆不類其為贗作無  
疑即使非贗人主受命在德不在璽上乃屬庫藏之

君臣相信按劍

摘戟

戰國策人諧樂毅于燕王王  
按劍怒指者而食樂毅以駭

駭駭駭良馬肉也

趙雲別傳先主敗人言雲已  
北去先主以戟摘之曰子龍不棄我去頃之雲至

委

任霍光 益重魯肅

周紀成王不疑周公孝昭委任霍  
光各因其時以成名大矣哉 吳

志張昭非魯  
肅權益重之

展盡底蘊

待以虛心

唐書魏徵河北  
使還帝曰益親

或引至臥內訪天下事徵亦自以不世遇展盡底蘊無所隱又曰溫大有與兄大雅同掌機近不自安請徙他職上曰我虛心待卿何所自疑

臣無遺力

朕所自知

唐書韋挺傳贊王者

用人非難盡其才之為難太宗之責任也謀斯從言斯聽才斯奮洞然不疑故人臣未始遺力又曰趙涓治衙不為觀察使韓滉所容奏免官帝見其名問宰相曰是豈永泰時御史乎對曰然詔拜尚書左丞既至勞之曰卿正直朕所自知乃以罪聞不信也

陰習介書

封還內降

綱鑑石介嘗奏

記于富弼責以行伊周之事夏竦恐介黜已欲因以傾弼等乃使女奴陰習介書改伊周為伊霍飛語上聞上不信又曰杜衍為平章事務裁僥倖每有內降率寢格不行積詔旨至十數輒納帝前帝語歐陽修曰外人知杜衍封還內降邪凡有求于朕每以衍不行告之而止者多于所封還也其助我多矣

辭金見

義 賜鏡況清

綱鑑建成元吉欲誘尉遲敬德為已用賜以金銀器一車敬德辭不受以告秦

王秦王曰公之心如山岳雖積金至斗不能移也唐書高季輔為吏部侍郎太宗賜以金背鏡況其清鑑

持表示臣

賜箸表直

綱鑑或有言長孫無忌權太重者帝持表示無忌曰我與

公君臣間無少疑使各懷所聞不言斯則蔽矣唐書宋璟為相時值春宴帝賜金箸曰表卿直也

參

知政事

宣撫軍民

金史鈕祜祿額特穆拜參知政事世宗謂宰臣曰朕素知此人極有識

慮貌雖柔而心剛直所行不率易也

又曰布薩揆為

宣撫河南軍民上諭之曰朕即位以來任宰相未有如

卿之久者非君臣道合一體同心何以及此哉

謚以文貞

嘉其剛正

金史章宗

諭光祿大夫張萬公曰朕初即位擢卿執政繼遷相位以卿先朝舊人練習典故朕甚重之泰和七年薨謚曰



文貞 又曰孫鐸為戶部尚書議交鈔事力持不可侍郎張復序詞訟上顧謂侍臣曰孫鐸剛正人也雖古魏徵何以加焉

### 臣不孤矣 內侍為之

明紀兵部尚書李慶請以餘馬今朝廷官

領之歲課其息有虧罰與民同楊士奇力持不可上許出內批罷之已而不聞明日士奇又言之上曰偶忘之有頃上御思善閣諭士奇曰內批豈真忘之朕聞呂震等皆忿卿朕念卿孤立恐為衆所傷不欲因卿言而罷今有名矣出章示則陝西按察使陳智言畜馬不便命士奇據此草敕止之士奇言陛下知臣臣不孤矣 下劉大夏 開門延客 觸地免冠 明紀上召兵部尚書劉大夏左都御史戴

事見前

開門延客

觸地免冠

明紀上召兵部尚書劉大夏左都御史戴

珊面議政事議畢上曰述職者集矣大臣皆杜門若二卿雖開門延客誰復以賄賂通也因各手白金一錠賜之曰小佐而廉 又曰戶部主事李夢陽上疏指斥外戚壽寧侯張鶴齡甚恨之泣訴上前上不得已下夢陽

獄既而法司具獄詞以請工俚批夢陽復職他日上游南宮二張夜入侍酒上獨召鶴齡膝語左右莫聞第遙見其免冠觸地蓋因夢陽言罪壽寧也

非龍顏英王良平無以效其謀

非日角聖姿冠鄧莫能展其志

帖孔

原君臣問疾視

蕭何

臨霍光

史記蕭相國何病惠帝自臨視問曰君即百歲後誰可代君者何舉曹參漢

書霍光病車駕親臨問之

至舍視

穿壁瞻

漢書張湯嘗病上親至舍視病其隆貴如

此吳志呂蒙病孫權在公安迎至內殿治蘇萬方蒙有能愈蒙疾者賜千金欲數見顏色又恐勞動嘗穿壁瞻之中瘳

增徙愛婿官

修弟子禮

張禹本傳禹每疾車駕自臨問

禹曰臣有四男一女愛甚于男遠嫁張掖太守蕭咸不勝父子私情願與相近即徙咸為弘農太守類苑桓

榮為帝師病帝親問入門下車執經趨拜修弟子禮

舒王往視太子親臨唐書

尚父郭子儀病篤帝臨軒遣舒王謨持詔往視謨冠速遊冠御絳袍乘象輅駟馬飛龍士三百門府官皆袴褶以從子儀拜手叩頭謝恩宣詔已乃易服勞問還又曰杜如晦病詔皇太子就問帝親至其家撫之

詔兄視疾幸第增憂

唐書高季輔感疾歸第有詔以其兄沈州刺史季通為宗正少

卿視疾遣中使日候增損又曰李靖病甚帝幸其第流涕曰公乃朕生平故人于國有勞今疾若此為公憂之

臨問調藥省視封王

宋史王旦疾篤帝臨問親調藥並薯蕷粥賜之金

史國克坦克寧屬疾章宗往視之即榻前拜太師封溫王加賜甚厚

鑿苑垣以候問

加朝服而拊循

唐書房玄齡疾甚帝命鑿苑垣以便候問又曰魏徵疾甚帝親問疾屏左右

語終日乃還後復與太子至微第微加朝服拖帶拊之流涕

### 君臣四

增君天

左傳子文孫箴尹克黃云君天也天可逃乎

原養民如子

左傳良君將賞

善而刑淫養民如子

仰君如日

又曰民奉其君仰之如日月

增君盤人水

孫卿子君

應以理義

綱鑑嚴助為大中大夫後得朱買臣吾丘壽王主父偃徐樂嚴

盤人水

安救辜終軍並在左右助等與大

君臣魚水

三國志先主與

臣辨論中外相應以理義之文

諸葛亮情好日密闕張不悅先主解之曰張之有孔明猶魚之有水也願諸君勿復言

李勣純

臣唐書武德二年李密歸朝廷李勣錄郡縣戶口請密自上之使至高祖訝無表使者以意聞帝喜曰純臣

也

君臣同德

又曰王珪名為諫議大夫帝曰君臣同德則海內安朕資雖不敏幸諸公數相

諫正庶致

主明臣直

綱鑑唐太宗嘗罷朝怒曰會須殺此田舍翁后問為誰上曰魏

天下于平

魏徵每廷辱我后退共朝服曰妾聞主明則臣直今魏徵之直由陛下之明故也妾敢不賀上乃悅

剪

賢和藥

通鑑李世勣得暴疾方云賢灰可療太宗剪賢為之和藥世勣頓首謝上曰朕為社稷非為卿

也

燒黎聯句

彙苑肅宗召處士李泌于衡山既到待以賓友之禮寢以內殿嘗夜坐地爐燒

二禁以賜泌諸王請聯句信王曰夜枕九仙骨朝披一品衣上曰天生此間氣助我化無為後肅宗恢復兩京

泌之策

延英忘倦

通鑑憲宗嘗與宰相論治道于延英殿日旰晷甚汗透御服宰相恐

為多

工體倦求退上留之曰朕入宮中所處獨官人近侍故樂與卿等共談為理之要殊不知倦也

引衣

容直

又曰帝以冠準為樞密直學士準嘗奏事殿中語不合帝怒起準輒引帝衣請復坐事決乃退帝曰

朕得冠準猶大

改容聽講

又曰仁宗初年宰相王曾

皇之得魏徵也

請御崇政殿問召侍講學士孫奭等講讀帝在經筵或左右觀賜客體不端奭即拱立不譟帝竦然改聽

君臣五

增歌帝舜倡百工歌曰卿雲爛兮糺縵縵兮日月光華

旦復旦兮八伯和歌曰明明上天爛然星陳日月光

華弘于一人舜歌曰股肱喜哉元首起哉百工熙哉

皋陶歌曰元首明哉股肱良哉庶事康哉

增詩唐明皇春日宴兩相及禮官于麗正殿詩曰乾道  
運無窮恒將人代工陰陽調歷象禮樂報玄穹介冑清  
荒外衣冠佐域中言談延國輔詞賦引文雄野霽伊川  
綠郊明輦樹紅冕旒多暇景詩酒會春風 又賜張說  
宋璟源乾曜同日上官宴都堂詩曰赤帝收三傑黃軒  
舉二臣由來丞相重分掌國之均我有握中璧雙飛席  
上珍子房推道要仲子訝風神復輟台衡老將為調護  
人鵷鷺同拜日車騎擁行塵樂聚南宮宴觴連北斗醇

俾予成百揆垂拱問彛倫 宋太宗作釣魚詩賜呂端  
曰欲餌金鉤深未致磻溪須問釣魚人

增賦宋太宗賜蘓易簡大言賦曰少年盛世兮為詞臣  
往古來今有幾人首書文章兮居翰林儒名善守兮合  
緣黃 蘓易簡擬宋玉作大言賦獻太宗曰皇帝書白  
龍牋作大言賦賜玉堂臣蘓易簡御筆煌煌雄詞洋洋  
環瑋博達不可備詳易簡曰聖人興兮告成功登崑崙  
兮展升中芳席地兮饗祖宗天籟起兮調笙鏞日烏月



兔耀文明也參旗井鉞嚴武衛也執北斗分尊元酒也  
削西華分為石礮也飛雲湧霞騰燔燎也剗鯨腊鵬代  
鷁鰈也迅雷三發山神呼也流電三激燿火舉也四時  
一同分萬八千年泰山融分溟海乾圓蓋偃分方輿穿  
增詔漢光武報馮異詔曰將軍之于國家義為君臣恩  
猶父子何嫌何疑而有懼意 唐太宗賜魏王泰詔曰  
虞世南于我猶一體拾遺補闕無日忘之蓋當代名臣  
人倫準的今其云亡石渠東觀中無人矣

增贊唐房杜贊曰方君臣明良志叶義從相資以成固  
千載之遇蕭曹之勛不足進焉 又尉遲恭贊曰敬德  
之來太宗以赤心付之桑蔭不徙而大功立君臣相遇  
古人謂之千載顧不諒哉 又段平仲贊曰君有常尊  
臣有定卑自然之勢也然臣不自通于上君不降而逮  
諸下則治不得成而功不彰反是而天下之所務聚焉  
幾矣段平仲一忤上倉惶失對而猶以取名故聖主屈  
已從諫君臣兩得其美知道之本歟

增頌漢王褒聖主得賢臣頌曰世必有聖智之君而後  
有賢明之臣虎嘯而谷風冽龍興而致雲氣蟋蟀俟秋  
吟蜉蝣出以陰易曰飛龍在天利見大人詩曰思皇多  
士生此王國故時平主聖俊乂將自至若堯舜禹湯之  
君獲稷契皋陶伊尹呂望之臣明明在朝穆穆布列聚  
精會神相得益彰雖伯牙操籟鐘逢門子鸞烏號猶未  
足以喻其意也故聖主必待賢臣而弘功業俊士亦俟  
明主以顯其德上下俱欲懽然交欣千載一會論說無

疑翼乎如鴻毛遇順風沛乎若巨魚縱大壑其得意如此則胡禁不止曷令不行化溢四表橫被無窮遐邇貢獻萬祥必臻是以聖主不偏窺望而視已明不殫傾耳而聽已聰恩從祥風翔德與和氣遊太平之責塞優游之望得遵游自然之勢恬淡無為之場休徵自至壽考無疆雍容垂拱永永萬年何必偃仰屈伸若彭祖煦噓呼吸如喬松渺然絕俗離世哉

舊君一

增禮記曰穆公問曰為舊君反服禮與子思曰古之君子進人以禮退人以禮故有舊君反服之禮今之君子進人若將加諸膝退人若將墜諸淵無為戎首不亦善乎又何反服之有 又曰違大夫之諸侯不反服注違去也

謂本是大夫臣今去仕諸侯此是自卑適尊若猶服卑君則為新君之恥也故亦不反服舊君也

## 舊君二

增呂氏春秋曰豫讓欲報襄子其友謂之曰以子之材而索事襄子子得近之而行所欲此甚易而功必成豫

讓突而應之曰是為先知報後知也為故君賊新君矣  
大亂君臣之義也凡吾所為此者所以明君臣之義也

舊君三

原心存南郢

志在北燕

晉孫惠諫齊王曰屈原放逐心存南郢樂毅適趙志在北

燕

增毅謝謀燕

臻獨稱漢

綱鑑樂毅奔趙趙王與樂毅謀伐燕毅泣曰臣

時昔之事昭王猶今日之事大王也若復得罪終身不敢謀趙之奴隸況子孫乎窮愁志魏文帝初受漢禪羣臣皆揚魏德惟衛臻獨稱漢美文帝曰天下之珍當與山陽共之為人臣者固念于此可謂有百心者矣

故君發喪

人臣終節

唐書呂子臧隋大業末為南陽郡丞高祖入京師慰輯山

南獨子臧堅守帝使其壻薛君倩齎詔備言隋所以士  
諭之子臧為故君發喪訖即送款又曰姚崇張柬之  
等誅二張后遷上陽宮崇率百官起居王公相慶崇獨  
流涕東之曰今豈涕泣時邪崇曰事天后久違舊主而  
泣人臣終節也  
**營葬黎陽 縱歸北塞**  
唐高帝遣使持李密  
首往招李世勣世勣  
表請收葬歸其尸乃發喪三軍醵素以君禮葬黎陽  
語林葬子英元進士太祖命館儀曹一夜大哭不止問  
故子英曰思舊主耳語聞上曰我豈難  
一葬子英哉縱出塞追及元主于和林

## 舊君四

**原越聲秦聲**

史記陳軫至秦惠王曰去之楚思寡人乎  
曰昔越人莊舄仕楚及病作越聲今臣秦

逐之楚能無

秦聲乎詳疾

社稷臣一

增禮記曰為人臣下者有諫而無訕有亡而無疾頌而無諂諫而無驕怠則張而相之廢則埽而更之謂之社稷之役

社稷臣二

增綱鑑上問汲黯何如人嚴助曰使任職居官無以踰人至輔少主守成雖自謂賁育不能奪上曰古有社稷臣黯其近之  
遼史曰耶律烏哲立永康帝謂烏哲曰



汝與朕屬尤近何反助太后對曰臣以社稷至重不可輕附故如是耳上喜其忠又曰帝出獵伊邇請留皇孫蕭烏納奏曰竊聞車駕出游將留皇孫苟保護非人恐有他變果留臣請侍左右帝悟命皇孫從行帝嘉其忠封蘭陵郡王人謂近于古社稷臣

### 社稷臣三

原柳莊 周勃

檀弓衛侯哭柳莊曰非寡人之臣是社稷之臣也 綱鑑漢文目送絳侯周勃

曰社稷臣也素盜曰勃乃功臣非社稷臣主存與存主亡與亡乃社稷臣方諸呂用事絳侯為太尉本兵柄弗

能正大臣相與共誅諸呂適會成功乃功臣耳

執干戈為柱石

左傳魯及齊師戰于

郊公為與其嬖童汪錡乘皆死孔子曰能執干戈以衛社稷可無殤也

綱鑑漢昌邑王湣亂霍光憂懣問所知故吏田延年曰將軍為柱石昔伊尹相湯廢太甲以安宗廟後世稱忠將軍若能行亦漢之伊尹也

增心如金石詩比風草

漢書光武謂王常曰卿輔漢室心如金石真忠臣也拜為

漢忠將軍唐書太宗嘗謂蕭瑀不可以利誘死卿

有讜言公能戡亂

唐書陳叔達為禮部尚書始太子建成等閹問太宗叔達極意救辨

至是謂曰武德內難卿有讜言故以此報叔達謝曰豈獨為陛下乃社稷計耳杜甫詩國之社稷今若是戡

定禍亂非公誰扞難以身有功於國

孔帖李德裕以身扞難功留社稷通鑑

裴炎詔送獄鳳閣侍郎胡元範曰炎社稷臣有功于國悉心奉上天下所知

### 宗社之靈

首鼠之孽

林蘊上李相公書煙塵不飛蓋宗社之靈也本傳議者謂子儀有社稷功而孽寇首鼠

乃置散地非所宜帝亦悟遂詔為諸道都統

樞密題名

司徒罷相

綱鑑錢惟

演序樞密題名獨削去寇準姓氏云逆準不書御史中丞蔡齊言于帝曰寇準忠義聞天下社稷之臣也豈可為奸黨所誣哉帝遽令磨去之宋史韓琦識量英偉臨事喜愠不見于色居相位再決大策以安社稷時朝廷多故琦處危疑之際知無不為至是以司徒兼侍中判相州

一紀居家

兩宮虛

已通鑑留弼早有公輔之望遣使每至必問其出處安否忠義之性老而彌篤家居一紀斯須未嘗忘朝廷

宋史司馬光復相兩宮虛已以聽光為政光亦欲以身殉社稷躬親庶政不舍晝夜賓客見其體羸舉諸葛

孔明食少事煩以為戒光  
曰死生命也為之益力

正太孫位 議尚書省

史金

圖克坦克寧請立皇孫上允其請封皇孫為原王克寧  
猶以未正太孫之位屢請世宗數曰克寧社稷之臣也

又曰元兵攻中都尚書左丞承暉約穆延盡忠同死  
社稷盡忠謀南奔承暉怒即起還第揭家廟作遺表仰

樂 策定北迎 疏爭南幸

元史安西王誅繼大統成  
后為主李孟告仁宗曰

支子不嗣世祖之典訓也今太子遠在萬里宗廟社稷  
危疑之秋殿下當奉太母急還宮庭以折奸謀仁宗曰  
先生之言宗廟社稷之福也于是收首謀及同惡者奉  
璽北迎武宗天下大定以孟參知政事明紀英宗北  
狩邸王即位徐瑄請幸南京兵部侍郎于謙上疏抗言  
京師天下根本宗廟社稷陵寢百官萬姓帑藏咸在若  
一動則天下大勢盡去于是始定  
固守之策社稷再奠謙之力也

# 社稷臣四

原處不避污

叔孫豹處不避污

增壯夫之節

劉蕡言忠臣之心壯夫之節苟

利社稷死無悔焉

社稷之功

唐書韓滉卒張延賞撫帝意遂罷李晟兵帝曰晟有社稷功

## 父母一

增易曰家人有嚴君焉父母之謂也 書曰相小人厥

父母勤勞稼穡厥子乃不知稼穡之艱難乃逸乃諺既

誕否則侮厥父母曰昔之人無聞知 詩曰明發不寐

有懷二人 又曰蓼蓼者莪匪莪伊蒿哀哀父母生我

劬勞 又曰無父何怙無母何恃出則銜恤入則靡至  
又曰父兮生我母兮鞠我拊我畜我長我育我顧我  
復我出入腹我欲報之德昊天罔極 又曰陟彼北山  
言采其杞偕偕士子朝夕從事王事靡盬憂我父母

禮記曰為人子者居不主奧坐不中席行不中道立不  
中門食饗不為槩祭祀不為尸聽于無聲視于無形不  
登高不臨深不苟訾不苟笑孝子不服闇不登危懼辱  
親也父母存不許友以死不有私財為人子者冠衣不

純素 又曰父母有疾冠者不櫛行不翔言不惰琴瑟  
不御食肉不至變味飲酒不至變貌笑不至矧怒不至  
詈疾止復故 又曰父母雖沒將為善思貽父母令名  
必果將為不善思貽父母羞辱必不果 又曰父沒而  
不能讀父之書手澤存焉爾母沒而杯圈不能飲焉口  
澤之氣存焉爾 又曰身也者父母之遺體也行父母  
之遺體敢不敬乎居處不莊非孝也事君不忠非孝也  
涖官不敬非孝也朋友不信非孝也戰陳無勇非孝也

五者不遂哉及于親敢不敬乎 又曰父母全而生之

子全而歸之可謂孝矣不虧其體不辱其身可謂全矣

故君子頃步而弗敢忘孝也壹舉足而不敢忘父母壹

出言而不敢忘父母 又曰父母在不稱老言孝不言

慈 又曰士庶人有善本諸父母 孝經曰親生之膝

下以養父母 荀子曰父能生之不能養之母能養之

不能教誨之 事文類聚曰唐人與親別而復歸謂之

拜家慶



## 父母二

增淮南子曰公西華之養親也若與朋友處曾參之養親也若事嚴主烈君 賈誼策曰秦人偕父耰鉏慮有德色母取箕帚立而許語 風俗通曰魏郡龐儉因亂失父時儉三四歲母襁抱轉客廬中鑿井得錢數萬遂致富因買一蒼頭主家幹一日堂上作樂老蒼頭在厨中竊言曰堂上老母我婦也問其故奴曰我婦姓艾字阿宏足下有黑子腋下有痣母曰我翁也遂為夫婦時

人為之語曰廬里龐公鑿井得銅買奴得翁 語林曰  
明太祖行後苑見巢鵲哺雛曰禽獸且爾況人乎令羣  
臣親老者歸養

父母三

增儒仲慙兒

省革命子

後漢書太原王霸字儒仲少  
立高節妻亦有志行其友令

狄子伯為楚相其子為郡功曹子伯令子奉書于霸車  
馬鮮嚴僕從都雅而霸子方耕于野聞其至投耒而歸  
見令狄子沮忤不能仰視客去霸久臥不起妻問故霸  
曰向見令狄子容服甚光而我兒蓬屨歷齒未知禮見  
客而有媿色父子恩深不覺自失耳妻曰子少修清節  
不顧榮祿今子伯之貴孰與君之高奈何忘初志而慙

兒子乎霸起而笑曰有是哉即共隱遯終身  
澠水燕  
談宋陳省華蜀人三子克臾克佐克咨皆進士及第省  
華與燕國夫人馮氏俱康寧克臾知樞密院次子直史  
館少子知制誥每對客命三子列侍客不自安省華曰  
學生侍立常也士  
林大夫以為榮

### 王陽畏坂

### 仁傑望雲

漢書王尊  
遷益州刺

史先是王陽為益州至邛郫九折坂歎曰奉先人遺體  
奈何數乘此險以疾去尊至此坂問吏曰此非王陽所  
畏道邪吏曰是尊叱其馭曰驅之世以王陽為孝子王  
尊為忠臣  
唐書狄仁傑授并州司法參軍親在河陽  
仁傑登太行反顧見白雲孤飛謂左右  
曰吾親舍其下顧望久之雲移乃去

### 捨養入京

### 辭學歸省

韓文歐陽詹閩人也父母老矣捨朝夕之養  
以來京師其心將必有得而歸為父母榮也

雖其父母之心亦皆然詹在家則雖無離憂其志不樂  
也詹在京師雖有離憂其志樂也若唐者所謂以志養

者歟 唐書陽城為國子司業引諸生告之曰學者所以學為忠與孝也諸生有久不歸省親者乎明日謁城歸養者二十輩有三

作相親存 侍養不仕

李邕郭元振行

狀唐宰相二親存者惟郭元振一人又歸田錄宋宰相最少者惟王洵罷相時父母皆在人以為榮言行錄包拯始及第以二親老侍養不仕且十年人稱其孝

父母四

增朝夕事親

本傳范文正公次子純仁以父母在不赴官父遣之對曰若赴官雖近亦不能朝夕

在側也

父母五

增詩晉束皙補南陔詩曰循彼南陔言采其蘭眷戀庭  
闈心不遑安彼居之子罔或游盤馨爾夕膳絜爾晨餐  
循彼南陔厥草油油彼居之子色思其柔眷戀庭闈心  
不遑留馨爾夕膳絜爾晨羞有獺有獺在河之涘凌波  
赴汨噬魴捕鯉嗷嗷林鳥受哺于子養隆敬薄惟禽之  
似曷增爾虔以介丕祉 又補白華詩曰白華朱萼被  
于幽薄粲粲門子如磨如錯終晨三省匪惰其恪白華  
絳趺在林之陬蒨蒨士子涅而不渝竭誠盡敬疊疊忘

幼白華元足在丘之曲堂堂處子無營無欲鮮侔晨葩  
莫之點辱

增賦明王逢年思歸賦曰祿有可慕祿有可去何則移  
孝為忠曾無內顧則祿可慕而可據上有慈顏以喜以  
懼故祿可去而不可寓噫吾父八十母髮亦素尚爾為  
吏復焉遐路嗷嗷晨烏其子反哺我豈不如鬱其誰訴  
惟秋之氣至慘慄而感人日興愁思側睇江濱憶為童  
子當其凜辰百果始就迭進其珍時則有紫菱長腰紅

芡圓實牛心綠蒂之柿獨苞黃膚之栗青羊連區烏桺  
五出青乳之梨頰壺之橘蜂蟬淹齧棋櫨漬蜜羞則鵝  
鵲野鴈澤鳬鳴鷄清江之膏蟹寒冰之鮮鱗冒以紫薑  
藉以芡首觴浮萸菊俎薦青韭坐溪山之松篁埽門前  
之桐柳僕侍不譁圖書在右或靜默以終日或歡言以  
對友信吾親之所樂安閭里其滋久切切余懷欲辭印  
綬固非效淵明之所息心恥折腰于五斗蓋自成人以  
及今未嘗一日侍旁而稱壽豈得不決去於此時將恐

貽患於厥後

父子一

增釋名曰父甫也始生已者 又曰子孳也相生蕃孳

也 白虎通曰子孳也孳孳無已也 增韻曰父矩也

以矩度教子也死曰考成也言有成業也 南史曰荆

土方言謂父曰爹

枕上聲

集韻曰吳人呼父曰爸

婆上聲

會要曰回紇呼父曰阿多 廣韻曰北方人呼父曰

爹

丁邪切

天中記曰閩人呼父曰郎罷謂子罔

音寔

決



疑要錄曰父南面故曰昭明也子北面故曰穆順也晉  
以文帝名昭故讀曰韶後人因而不改 易曰裕父之  
蠱往見吝象曰裕父之蠱往未得也 又曰幹父之蠱  
用譽象曰幹父用譽承以德也 又曰乾天也故稱乎  
父 又曰乾為父 又曰有夫婦而後有父子 尚書  
曰若考作室既底法厥子乃弗肯堂矧肯構厥父菑厥  
子乃弗肯播矧肯穫 又曰若稽田既勤敷菑惟其陳  
修為厥疆畎若作室家既勤垣墉惟其塗墍茨若作梓

材既勤樸斲惟其塗丹雘 詩曰無父何怙 又曰父

兮生我 又曰靡瞻匪父 又曰王事靡盬不遑將父

禮曰父名無諱 又曰父子不同席 又曰父前子

名 又曰父不祭子

侍食之禮

又曰世子齒于學國人觀

之曰將君我而與我齒讓何也曰有父在則禮然然而

衆知父子之道矣 又曰父子親然後義生義生然後

禮作禮作然後萬物安 孝經曰母取其愛而君取其

敬兼之者父也 春秋傳曰父不可棄名不可廢 杜

欽傳曰子者父之陰也 史記曰家有長子曰家督  
越絕書曰慧種生聖癡種生狂

父子二

增尚書曰殷王元子惟稽古崇德象賢統承先王 家  
語曰曾皙令曾子耘瓜誤傷其根曾皙怒擊其首曾子  
仆地有頃乃蘇孔子聞之謂弟子曰參來勿內也昔皙  
叟有子曰舜使之未嘗不往欲殺之未嘗可得小杖則  
受大杖則逃不陷父于不義也 左傳曰季氏以公鉏

為馬正愠而不出閤予馬見之曰禍福無門惟人自召  
為人子者患不孝不患無所敬共父命何常之有若能  
孝敬富倍季氏可也奸回不軌禍被下民可也 天運

曰輪扁曰臣也斲輪得之于手應之于心臣不能以喻  
臣之子臣之子亦不能受之于臣 世說曰潁川太守  
髡陳仲弓客有問元方府君何如元方曰高明之君也  
足下家君何如曰忠臣孝子也客曰何有高明之君而  
刑忠臣孝子者乎陳元方曰昔高宗放孝子孝已尹吉

甫放孝子伯奇董仲舒放孝子符起惟此三君高明之  
君惟此三子忠臣孝子客慙而退 又曰鍾毓兄弟值  
父晝寢偷服藥酒父覺託假寐以觀之毓拜而後飲會  
飲而不拜既而問毓何以拜曰酒以成禮不敢不拜又  
問會何以不拜曰偷本非禮所以不拜 孔帖曰魏司  
馬朗父防整肅自守諸子雖冠成人不命進不敢進不  
命坐不敢坐不指所問不敢言父子之間嚴肅如此  
晉書曰王述蒙顯授王羲之恥為之下遣使詣朝廷求

分會稽為越州行人失辭大為時貴所笑既而內懷愧  
歎謂諸子曰吾不忤懷祖而位遇懸邈當由汝等不及  
坦之故邪 南史曰羊侃在臺城其長子鷟先為侯景  
所獲執來城下示侃侃謂曰我傾宗報主猶恨不足豈  
復惜此一子幸早殺之數日復持來侃謂鷟曰久以汝  
為死猶在邪吾以身許國誓死行陣終不以爾生進退  
心因引弓射之賊以其忠義亦弗之害也 又曰謝莊  
生五子颺肱顓崧淪人謂莊名子以風月景山水 北

史曰孝文臨軒令諸州中正各舉所知陽尼與房千秋  
各舉其子帝曰昔有一祁名垂往史今有二奚當聞來  
牒 隋書曰蘇夔字伯尼威子也少聰敏楊素甚奇之  
每戲威曰楊素無兒蘇夔無父 唐書曰姚崇二子在  
洛通賓客饋遺請託魏知古歸悉以聞他日帝召崇曰  
卿子才乎皆安在崇揣知帝意曰臣二子分司東都為  
人多欲而寡識是必以事干魏知古帝始以崇私其子  
微言動之及聞乃大喜聞安從得之對曰知古臣所薦

也臣子必謂見德而請之帝于是愛崇而薄知古欲斥之崇曰臣子無狀撓陛下法而逐知古外必謂陛下私臣唐書曰孫逖遷中書舍人父嘉之八十為令逖求降外官增父秩帝嘉納拜嘉之宋州司馬聽致仕

父子三

原父一身貳

左傳父一而已禮父分生我身之貳也

六順三君

左傳

君義臣行父慈子孝兄愛弟敬所謂六順

綱鑑

陳紀元方弟譔季方與父寔齊德同行號三君

構箕裘

工見前一學記良治之子必學為裘良弓之子必學為箕

坊民責



善

禮以此坊民民猶薄于孝而厚於慈孟子父子之間不責善

增陽坐

制名

吳錄

紀陽字子上景皇時陽父亮為尚書令陽為中書令每朝會詔以御屏風隔其坐南史宋顏竣江夏王義恭

各產男上自為制名名義恭子為伯禽以比魯公伯禽名竣子為辟疆以比漢張良子侍中張辟疆也

橋梓

植梨

書大傳伯禽與康叔見周公三見三答之二子乃問商子商子曰南山之陽有木名

橋南山之陰有木名梓何不往觀之二子往見橋木高而仰梓木卑而俯還告商子商子曰橋者父道梓者子

道也南史張敷小名植父邵小名梨宋文帝戲之曰植何如梨敷曰梨是百果之宗植何敢比所居名孝張

里折筭直饌國語范文子退朝武子曰何莫也對曰有泰客度辭于朝大夫莫之對也

折筭

直饌

國語范文子退朝武子曰何莫也對曰有泰客度辭于朝大夫莫之對也

吾知三焉武子怒曰大夫非不能也讓父兄也汝童子何知而三掩人于朝吾不在晉國亡無日矣擊之以杖

折其筭 資暇錄貞元初穆寧為和州刺史其子御史中丞贊給事中贊及員賞寧命諸子直饌稍不如意則杖之諸子將至直日必探求珍異羅于尊俎然而未嘗免筭叱給事直饌鼎前有熊白及鹿修忽曰白肥而修瘠相滋其宜乎即以白裹修和之而進寧果再飽飯訖曰稚直可與杖俱來于是罰如常數將拜杖遽命前曰如此味奚進之晚邪

### 作父有子

晉書伏滔字元度少知名孝武帝嘗會于西堂滔與坐還

下車呼子系之謂曰百人高會天子先問伏滔在坐不此故未易得為人作父如此定何如也 松牕雜錄唐

中宗嘗召宰相蘇瓌李嶠子進見二子皆童年上近撫于赭袍前賜與甚厚語二子曰爾自憶所道書可奏者為吾言之瓌應曰未從繩則直后從諫則聖嶠子曰斷朝涉之脰剖賢人之心上曰蘇瓌有子李嶠無兒

### 五桂三槐

宋史竇禹鈞教五子供貴馮道贈詩云靈椿一株老丹桂五枝芳 又曰王祐世多

稱其陰德嘗手植三槐于庭曰吾子孫必有為三公者其子旦果宰相

五男

八子

陶

明詩空有五男兒總不好紙筆宋史韓億八子曰綱綜絳繹緯縝維縞多為間人絳縝皆為宰相維為門下

侍郎以此荀氏八龍

犬子鳳毛

三國志曹操曰養子當如孫仲謀劉景升兒子豚犬耳

南史謝鳳子超宗有文詞作殷貴妃誄帝大嗟賞謂謝莊曰超宗殊有鳳毛

蓼莪

瓜葛

綱鑑王褒傷父為魏文帝所殺未嘗西向坐隱居教授每誦詩至蓼莪輒掩卷流涕門人為之廢蓼莪世說

王長豫幼便和今事親色養丞相受恩甚篤每共圍碁丞相欲舉行長豫按指不聽丞相曰詎得爾相與似有

瓜葛佳兒令子

世說張蒼梧是張憑之祖蒼梧憑父曰我不如汝憑父不解蒼梧曰汝有

佳兒憑時年數歲歛手曰阿翁豈宜以子戲父唐書鄭餘慶子涵為右補闕敢言無諱憲宗謂餘慶曰卿今

子朕直

臣也

截蒲

賜鱣

前漢書路溫舒父為里門監使溫舒牧羊因取澤中蒲截為牒

編之寫書

王氏

彙苑

胡贊

仕魏

為荊州

刺史

子威自

京師省父自驅驢不止傳舍留十數日告歸父賜鱣一

匹威跪曰

大人清貧何以得此

父對曰

吾俸祿之餘及

威為徐州刺史武帝問之卿清執如父對曰臣父清畏

人知臣清

畏人不知

勸父

侍親

王氏彙苑

張就父恭為燠煌

執不屈密與父書曰

父守熾煌忠義名聞勿以就不孝

改志節就若死惟願大人念子也恭得書奮兵救之就

亦得免

歸田錄王溥拜相年三十六其父祚累遷防

禦使每見客溥常朝服侍立客不安求去祚曰學生勞

起避

皆異宮

不同位

禮命士以上父子皆異宮崇

敬也又父子不同位以厚

敬也

原哀盾之日

荀陳之星

左傳趙衰冬之日趙盾

夏之日詳日世說陳

敬也

又父子不同位以厚

敬也

又父子不同位以厚

敬也

敬也

太丘詣荀季和使元方將車季方持杖長文尚小坐著車中既至荀使叔慈應門慈明行酒餘六龍下食文若小坐勝前太史於時奏德星聚

陟岵瞻望臨書哽咽

詩陟彼岵兮瞻望父兮

吳志顧愷字子通每得父書常埽灑几筵舒書於上拜跪讀之每句應諾畢復再拜若父有疾耗之間即臨書垂泣語聲哽咽

父為子隱子由父疎

直在其中穀梁仲嬰齊卒此公孫也子

由父疎也

有子有父止孝止慈

公羊傳父有子子不得有父注有子謂廢軀之

義可立不以父命辭王父命衛侯也禮為人子止於孝為人父止於慈

增陸生車馬

張翁鼓角

漢書陸賈使南越趙佗賜陸生裝橐中直千金呂后時病免歸有五男賈橐中千金分其

子各二百金今為生虛賈常乘安車駟馬從鼓吹琴瑟侍者十餘人有寶劍直百金謂其子曰與汝約過汝汝

給吾人馬酒食極歡十日而更所死之家得寶劍及車馬從者 宋書張興世字文德竟陵人以平江陵功轉右將軍父仲字子由興世致位給事中欲往襄陽又受應鄉里父謂興世曰雖田舍翁樂聞鼓角汝可送一部與吾行田時吹之興世素謙謹畏法 曰此天子鼓角非田舍翁所吹乃止

### 伏庭穿壁

紕

### 犬放鷹

後漢書廬江蔡宗統康嚴正其子未嘗見面子為二千石求謁宗宗下帳不許子伏于庭其母

穿壁使其子窺之乃識儀貌 梁書張充吳人父緒特進有重名充少不拘細行肆恣田獵時緒請假還吳始入西郭值充正獵左手臂鷹右手牽犬遙望見父乃脫綈放鷹紕犬向父而拜緒曰一身兩役無亦勞乎充跪對曰充間三十而立今二十九矣請至來歲終身折節緒曰過而能改乃顏子矣明年尋師就學蔚為名士

### 發假收嚴

### 恂愉悅懌

唐書楊惟直名四子曰發假收嚴發以春為義假以夏為

義收以秋為義嚴以冬為義收大拜發至五郎北史  
後魏高祖名子曰恂愉悅憚崔光名子曰勵勗勉高祖  
謂光曰我兒名傍皆有心卿兒名傍皆有  
力答曰所謂君子勞心小人勞力上大悅  
雞羣野鶴

### 老兔於菟

世說嵇紹始入洛或謂王戎曰昨于稠人  
中見嵇紹昂昂然如野鶴之在雞羣戎曰

君未見其父耳合璧事類燕輒已卯生軾嘗號為卯  
君生子名虎兒坡有詩曰舊聞老蚌生明珠未省老兔  
生於菟  
入門呼賓 炊飯延客  
合璧事類柳公綽居外  
藩其子每入境入未嘗

知既至每出入嘗于戟門外下馬呼幕賓為大皆許納  
拜未嘗笑語款密商甚小說有客詣太丘談鋒甚敵  
太丘令二子炊飯延客二子委甌竊聽飯落釜成糜客  
去太丘責之二子言其故且誦客語無遺太丘曰但糜

自可何必飯也  
號郎君谷 避嵩華山

唐書王起子龜性高  
簡侍父河中廬中條

山朔望一歸省州人號為郎君谷北夢瑣言宋劉溫  
史以父名岳終身不聽絲竹不遊嵩華每內宴聞鈞天  
之樂則涕泣移時曰  
散財施親 循牀求父  
若非君命則不至是  
世說郝

歛積錢數千萬嘗開庫任其子起所取起好施一日中  
散與親故都盡宋史徐積楚州人積生三歲父卒晨  
昏旬旬牀下求其父甚哀及  
能交父友 求顯親名  
壯以父諱石遇石避而不踐

唐書郝思美好學善記覽父友顏真卿蕭穎士輩嘗與  
討論經傳應對如流既而相謂曰吾曹異日當交二郝  
之間又曰甄逢嘗以父不侍在國史而逢與元稹善  
稹移書于史館修撰韓愈愈荅曰逢能行身達于方州  
大臣以標白其先人事載之天下耳目傲之天子追爵  
其父第四品赫然驚人逢與其父俱當得書矣由是父  
子顯  
對語幕中 賜食廡下  
明語林常熟黃鐵因父  
名 殞在陂上舊廬不入城



市御史按部至問曰此有黃給事何在人皆不知一老人引御史舟至陂路積泥淖御史徒步抵其舍餼從幕中對語移日家人欲具難恭曰豈有居喪而殺難禮客者以菜粥對食而別又曰張倫官太原知府歸省郡守過侯父留飲倫持楹上餼鞠躬侍命如童子餼此其即退立廡下郡守固請倫退走不敢當父謝曰幸君侯過敝廬老夫主之吾免特將酒耳郡守惶恐欲起乃賜食廡下

析薪不克負荷 饋

獻不及車馬

孔叢子子思曰似聞其父析薪其子不克負荷是為不肖 禮父母在饋獻不及車

馬示人不敢專

## 父子四

原主器

易主器者莫若長子

尊而不親

禮記父之親子也親賢而下無能故父尊而不

親

奉祀

左傳里克曰太子奉冢祀社稷之粢盛注冢大也

以象天明

傳為父子

兄弟以

不奸謂禮

傳子父不奸之謂禮

天性

孝經父子之道天性也

家天明

天屬

莊子假人之亡與林回素千金之璧負赤子而趨為其布與赤子之布冢矣謂其累與赤子之累多

矣棄千金負赤子故彼以利合此以天屬之親窮迫禍患相收也

人所難言

綱鑑漢武帝謂

田千秋曰父子

大人遺體

漢書霍去病至河東傳舍入迎父仲孺仲孺趨拜將

之間人所難言

軍迎跪曰不早

休沐謁親

又曰石建為郎中令石慶為內史建每五日洗沐歸

知為大人遺體

謁親入子舍竊問侍者取

視中裙綌踰身自潞潞

增有不凡子

汝南先賢傳薛勤仕郡為

功曹陳蕃年十五為父齋書詣勤勤顧而察之明日造

馬蕃父出逕勤勤曰足下有不凡子吾來候之不從卿

也言議

盡日

老牛舐犢

後漢書楊彪為太尉子修為曹操所殺操問彪曰君何瘦之甚彪曰

媿無日碑先見之明猶懷

老蚌生珠

又曰韋康元將弟誕仲將孔融

老牛舐犢之愛操為動容

與其父書曰前日元將來淵才亮茂雅度弘毅偉世之

器也昨日仲將來文敏篤誠保家之主不意雙珠近出

老蚌嚴若朝典

世說華歆遇子弟甚整雖閭室之內嚴若朝典

清賞非倫

又曰

王戎字濬沖父渾阮籍謂曰濬沖清賞非卿倫也與卿言不如與阿戎談

尊公

晉書簡文帝謂郗超

曰致意

不書官紙

南史阮孝緒十餘歲隨父為湘川行事不書官紙以成父之清白

尊公

得父膏腴

齊書世祖嘗問王儉當今誰能作五言詩對曰拙得父之膏腴

可謂老

蚌

南齊書世祖見王廣之子珍國處堪大用謂廣之曰卿可謂老蚌矣廣之曰臣不敢辭上大笑

有

譽兒癖

新唐書王福時子勉勵勃皆著才名其後勅助又以文顯勅早卒少子勸亦有文福時嘗誇于

韓思彥思彥戲之曰武子馬癖

卿有譽兒癖王家癖何多邪

軟抵

晉書韋謏字憲道京兆人雅好

儒術著撰書謂其子伯陽曰我高我曾重光累徵我

祖我考父父子汝為我對正值惡抵伯陽曰伯陽之

不肖誠如尊教尊亦正值軟抵

耳謏慙無言時人傳以為笑

風氣日上

世說王平子稱其子

風氣日上

足散人懷

## 父子五

增詩唐韓愈送鄭涵校理詩曰相公倦台鼎分政新邑

洛才子富文華校讐天祿閣壽觴佳節過歸騎春衫薄

鳥哢正交加楊花共紛泊交親誰不羨去去翔寥廓

許渾憶子詩曰自爾出門去淚痕常滿衣家貧為客早  
路遠得書稀文字何人賞煙波幾日歸秋風正搖落秋  
鴈又南飛 宋彭汝礪贈張吉迎父詩曰河可以竭山  
可徙我翁不歸行不已三往三復翁歸止翁行尚壯今  
老矣兒昔未生今壯齒 又郭祥正詩曰父昔離家子  
未孕子得其父今壯年胡弗歸兮死敢請慰我慈母心  
懸懸三往三復又十載孝子執鞭方言還 蘇軾喜子

迨能行詩曰我有長頭兒角頰峙犀玉四歲不知行抱  
負煩背腹師來為摩頂起走趨奔鹿 又贈弟轍詩曰

舊聞老蚌生明珠未省老兔生於菟老兔自謂月中物  
不騎快馬騎蟾蜍蟾蜍爬沙不肯行坐令青衫垂白鬢  
於菟駿猛不類渠指揮黃熊駕黑羆丹砂紫麝不用塗  
眼前百步走妖狐妖狐莫誇智有餘不勞搖牙咀爾徒  
增書蘇軾荅陳慥書曰在定州日作松醪賦今寫寄擇  
等庶開發後生妙思著鞭一躍當撞破煙樓吾子邁文

頗有父風咄咄皆跨竈之興

知子一 昧于知子 不慈並附

增重器

要人

三國志蜀諸葛亮與兄瑾書曰瞻今已八歲而聰慧可愛嫌其早成恐不為重

器耳

南史顏延之臨沂人其子竣貴重凡所資供一

無所受嘗乘羸馬策車逢竣函簿即屏在道側謂竣曰

吾平生不喜見

要人今見汝

原湛獨異

淑不良

晉書王湛有隱德兄弟以為癡

父親獨異焉

吳志騶子張淑累遷司直封

侯父知淑不良表請有罪請不從坐詔許之

增累博

慕咏尹字

南史齊武帝永明中以王僧虔為特進先祿大夫初王弘與兄弟集會任子孫戲適

僧達跳地下作虎子僧綽正坐米蠟燭為鳳凰僧達奪取打壞亦復不惜僧虔累十二博恭既不墜落亦不重

作弘歎曰僧達俊爽當不減人然恐終危吾家僧綽當  
以名義見美僧度必為長者位至公台後果如其言  
明皇雜錄曰蘇瓌有京兆尹相訪既去瓌令男頊咏尹  
字乃咏曰丑雖有足甲不成身見君無口如伊少人其  
敏捷如此明皇嘗問瓌草書難其人瓌曰臣不知其他  
臣男頊為文甚速可備使令召見授筆立就明皇撫瓌  
背曰知子  
其若父  
**怒不敬**  
**知不能**  
漢書丙吉子顯少為諸  
曹嘗從祀高廟至夕牲

乃使出取齋衣吉大怒謂其夫人曰宗廟至重而顯不  
敬謹亡吾爵者必顯也至甘露中果削爵為閭內侯  
又曰薛宣子惠為彭城令宣過之橋梁郵亭不  
修宣心知惠不能留數日終不問惠以吏事

**原對**

**曰午可不謂括善**

春秋傳祁奚請老晉侯問嗣焉稱  
解狐其善也將立而卒又問焉對

曰午也可午奚子也趙鑑趙括少學兵法父奢不能  
難然不謂之善曰兵死地而括易之敗趙軍者必括也



# 增悉知方略

## 當有大名

漢書張安世長子千秋與霍光子禹俱隨范明友擊

烏桓還謁大將軍光問千秋口對兵事盡地成圖無所忘失問禹禹不能記光由是賢千秋以禹為不材本

傳王獻之七八歲時學書義之密從後掣其筆不得曰此兒後當復有大名也

## 昧于知子固

## 當面試

## 不為父知

魏志陳思王植太祖常視其文曰汝倩人耳植跪曰固當面試時鄴

下銅雀臺新成太祖將諸子登使各賦之植援筆立成太祖異之晉書山簡濤之子也簡數曰吾年幾三十

而不為家

## 遇以常兒

## 不知博學

南史謝惠連幼有奇才不為父方明

公所知

所知族兄靈運謂方明曰阿連才悟如此乃作常兒遇之說文錄段文昌鎮成都子成式好獵丞相惠之成

式以所獲雉兔分送幕僚各致書援引故事幕僚多不曉其義以呈丞相方知其子博學

## 補尉試

文 招權受賄

孔帖韋溫以拔萃高等補咸陽尉父愕然疑假權謁進召而試諸庭文就無留

思喜曰兒無愧矣

通鑑今狐詢執政歲久子

原不

滿頤招權受賄言事者攻其短絢為子訟冤

慈食羹 滅性

綱鑑樂羊食子肉羹 文選椒蜂滅天性尹吉父事詳惡母

棄子

無兒

蜀志程畿子都在郡龐義使告畿曰爾子在郡不從及禍畿曰樂羊食子羹非無父子之恩

晉書鄧攸字伯道棄子活兄子後竟無兒人曰皇天無知使伯道無兒

殺子

埋兒

通鑑

管仲病桓公問曰羣臣誰可相者易牙何如對曰殺子以適君非人情不可近 山堂肆考劉宋時郭世通家

貧傭力以養繼母婦生一男恐廢養埋之文帝勅榜其門為孝子門

死少子

殺弄兒

後漢書橋元字公祖遷侍中以疾罷就醫里舍元少子十歲獨遊門次卒有三人持杖劫之入舍登樓求貨元

不與司隸圍守恐殺其子求欲迫之元暝目呼曰奸人無狀豈以一子之命而縱國賊遂進攻元子亦死元乃詣闕謝罪請下天下凡有劫質皆并殺之不得贖以財寶開長奸路網鑑漢金日磾子為帝美兒上前驕逸後于殿下與宮人戲日磾遂殺之

### 吉甫讒而逐

驪姬謀而奔

琴操

甫信後妻之讒而逐伯奇伯奇自傷無罪乃援琴作履霜操國語晉獻公驪姬謀殺太子申生太子歸胙公公田姬寘諸宮六日公至毒而獻之公祭之地地墳與犬犬斃與小臣小臣亦斃姬曰賊由太子太子奔新城

### 知子二

不慈附

### 原視其友

史記趙高謂將軍曰不知其子視其友

### 增季子不乏

後漢書吳祐父

恢為南海欲殺青寫經祐諫曰踰越五嶺俗多珍怪此書若成載必兼兩昔馬援以薏苡興謗王陽以衣囊微

名恢曰吳氏世不乏季子

小兒自得

晉書石苞臨終分財與諸子不及崇崇母為言苞曰小兒

雖小後自得之

吾子琳琅

又曰索靖每曰吾子琳琅之器非簡札之用州縣吏不足以汙吾兒

也

汝才十倍

又曰姚弋仲令子襄討石閔謂曰汝才十倍於閔若不棄擒不須見我

不慈父頑

書母

不能字

又曰父不能字厥子乃疾厥子言不慈也

易而

食

左傳宋人易子而食

石碯殺子

又曰石碯純臣也大義滅親其子厚與州吁同弑君碯殺

之

王莽殺子

通鑑達萌見王莽殺子字曰三綱絕矣不去禍及遂隱

欽定四庫全書

御定淵鑑類函卷二百四十三

人部二

訓子  
賢母

父子繼業  
後母  
諫父母

母子

孕

訓子一

增詩曰中原有菽庶民采之螟蛉有子蜾蠃負之教誨  
爾子式穀似之 又曰題彼脊令載飛載鳴我日斯邁  
而月斯征夙興夜寐無忝爾所生 禮曰父慈而教子  
孝而忠 又曰幼子常視無誑長者與之提攜則兩手

捧長者之手負劒辟咄詔之則掩口而對皆幼子之教  
莊子曰父詔其子 荀子曰君子之于子愛之而勿  
面使之而勿貌導之以道而勿彊 淮南子曰人有教  
其子曰謹無為善曰不為善將為不善邪應之曰善且  
弗可為況不善乎此全其天器者也 顏氏家訓曰百  
世小人知讀論語孝經尚為人師若能保書終不為小  
人諺曰積財千萬無過讀書

訓子二

增左傳曰狐突曰子之能事父教之忠古之制也父教

子貳何以事君 山堂肆考曰外史鄭奕嘗以文選教

其子其兄曰何不教之孝經論語 唐書曰穆寧居家

嚴嘗換家令訓諸子又戒曰君子之事親養志為大吾

志直道苟枉道而三牲五鼎非吾養也先是韓休家訓

子姪甚嚴貞元間言家法者尚韓穆云 塵史曰丁彥

輔云昔官洛陽有醫媪說富鄭公家治家嚴肅有二子

舍使女僕輩不得互相往來

訓子三

原七業

四經

晉書劉殷字長盛有子七人各受一經一門之內七業俱成漢書馮奉世子

野王通詩次遠通易次立通春秋次參通尚書

增受地

危家

呂氏春秋楚孫叔敖疾戒

其子曰王數封我矣吾不受也我死王必封汝必無受利地楚越之間有寢之丘者此其地不利而名甚惡荆人畏鬼而越人畏機可長有者其唯此也叔敖死王果以美地封其子子辭請寢之丘故至今不失漢書晁錯父從潁川來謂錯曰上初即位子為政侵削諸侯何也錯曰不如此宗廟不安父曰劉氏安矣而晁氏危未幾而錯果敗

教兒

訓子

世說謝安夫人問太傅那得初不見君教兒答曰我常自教兒

京倅謁告省覲康公與右相及姪柱史宗彥皆中甲科蘇氏家訓韓億教子嚴肅知亳州第二子舍人自西



歸公喜置酒召僚屬之親厚者俾諸子坐于席隅坐中  
忽云二郎吾聞西京有疑獄奏獄者其詳云何再問未  
能對遂推案索杖大詬曰汝食朝廷祿俸或一府事無  
巨細皆當究心大辟奏案尚不能記則細務不舉可知  
叨冒康祿何顏報國必欲捷之  
**陵人捐本**  
陳顯達

為江州刺史顯達自以門寒位重每遷官常有媿懼之  
色戒其子勿以富貴陵人而諸子多事豪侈顯達曰塵  
尾蠅拂是王謝家物汝不須捉此  
世說殷仲堪為荆  
州刺史語子弟云勿以我任方州云我豁平昔時念今  
吾處之不易貧者士之  
**一經五子**  
漢書韋賢字長  
常焉得登枝而捐其本

翁俱以明經位至宰相諺曰遺子黃金滿籬不如教子  
一經  
本傳隋同州刺史蘇王智積隋文帝之弟子也  
有五子止教讀論語孝經不令通賓客或問其故  
智積曰卿非知我者其意恐諸子才能以取禍也  
**分**

田持役

唐書姚崇預分田園令諸子各有定分曰陸賈石苞皆古之賢達也亦先有定分以絕後

爭

山堂肆考唐盧全生子名添丁欲為國持役也

保身

謾語

後漢書樊宏教子曰富貴

盈溢未有能善其終者保身全已豈不樂哉邵氏聞

見後錄宋司馬光曰光五六歲時弄核桃女兄欲為脫

其皮不得女兄去一婢以湯脫之女兒復來問脫核桃

者光曰自脫也先公適見之呵曰小子何得謾語光自

是不敢

識字

勤學

唐書張弘靖戒子弟曰今天下無事汝輩徒挽兩石弓不如識

謾語

一丁字

五代史唐劉贊父玘為縣令贊始就學衣以青布衫襦每食則自肉食別以蔬食贊牀下曰肉食君

之祿也汝欲之則勤學以干祿吾

食非汝食也由是贊力學舉進士

原鄧禹一藝諸

葛八務

後漢鄧禹子十三人各使守一藝教養子孫為後世法魏氏春秋諸葛亮作八務七識六怒

五懼皆有條  
章誠勵諸子

### 石碣義方

孫盛執憲

左傳石碣曰臣聞愛子教之以

義方

晉書孫盛年老還家性方

嚴有執

憲雖子孫班白庭訓逾峻

優於嚴君

不就

師傳

萬石君別傳居家自相勗道豈不優於嚴君邪禮子既生不免于水火母之罪也成童不就師傅

父之罪也

### 增小齋會食

屏風集書

唐書柳公綽華原人最名有家法中門東

有小齋每平旦輒出至小齋諸子仲郢等皆束帶晨省

于中門之外公綽與弟公權及羣從弟再會食自旦至

暮不離小齋燭至則命子弟一人執經史躬讀一過乃

講議居官治家之法或論文或聽琴至人定鐘聲起然

後歸寢諸子皆各定于中門之內唐書房玄齡恐諸

子驕奢集古今家誠書于屏風今各取一具曰留意子

此可以

### 怒子坐車

誨兒讓路

漢書石奮一門父子五人皆以馴行孝謹

保躬

官二千石景帝號奮為萬石君萬石君以上大夫祿歸老子家子孫有過不誹讓為便坐對案不食諸子相責肉袒謝罪改之乃許少子慶為內史嘗醉歸入里門不下車萬石君聞之不食慶恐肉袒謝罪不許舉宗及兄建肉袒萬石君讓曰內史貴人入閭里里中長老皆走匿而內史坐車中自如固當乃謝罷慶後慶及諸子入里門趨至家唐書朱仁軌嘗誨其子弟曰終身讓路不枉百步終身讓畔不枉一段

王景命

名柳玼戒子

魏紀魏王景名其子姪曰默曰沉曰渾曰深戒之曰吾欲使汝曹顧名思義不

敢隕越本傳柳玼戒其子曰凡門地高可畏不可恃立身行已一事有失則得罪重于他人門高則驕心易生族盛則為人所妬懿行實才

僧虔誨子文定勉

免南齊書王僧虔誨其子曰吾門中優者為龍鳳劣者為虎豹失蔭之後豈龍虎之謂哉況吾不能為汝蔭

正應各自努力耳 聞見錄胡文定公勉子曰立志以明道希文自期待立心以忠信不欺為主本行已以端

莊清靜見操執臨事以明敏果斷辨是非

賢愚繫於汝

窮達各有命

聞

錄邵克夫四十餘始娶生男有詩 湘山野錄唐介自政府歸語諸子曰吾備位政府知無不吉桃李固未嘗栽培而荆棘則甚多矣然汝等窮達各有命惟自勉而已

## 訓子四

原刑國

自家刑國

不教吏職

漢書薛宣不問其子惠以吏事惠知不稱宣意使掾送宣

今據進見自從其所問宣以不教誠惠吏職之意宣笑曰吏道以法令為師可問而知若能與不能自有資材

何可學也

不訓諸子

後漢書馬廖不訓諸子友人楊終戒之廖曰皎皎練絲在所染也

康成之戒

又曰鄭元戒子益恩曰吾年七十自非拜國君之命問親疾之憂展敬墳墓何嘗扶杖出

門乎家事大小汝一承之爾范無同生之相依其勗求君子之道

王丹撻子

又曰王丹子同

門生遭喪在山中請往弔之丹怒撻之令遺綵而已人問之丹曰交友之道未易言也全者鮮矣

范

滂告子

通鑑范滂被誣下獄謂其子曰吾欲使汝為惡惡不可為使汝為善我亦不為惡行路聞之莫

不流涕

增無絕文種

本傳裴度訓其子曰凡吾輩但今大種無絕中間有成功能致身於

萬乘之相者則天也

無斷書香

山堂肆考宋黃庭堅云四民皆坐世業士大夫子弟能知忠信

孝友斯可矣但不可使讀書種子斷絕

訓子五

原詩晉陶淵明命子詩曰嗟予寡陋瞻望弗及顧慙華鬢負影隻立三千之罪無後為急我誠念哉呱聞爾泣

又曰卜云嘉日占亦良時名汝曰儼字汝求思溫恭朝夕念茲在茲尚想孔伋庶其企而 又曰厲夜生子遽而求火凡百有心奚特于我既見其生實欲其可人亦有言斯情無假 又曰日居月諸漸免於孩福不虛至禍不易來夙興夜寐願爾斯才爾之不才亦已焉哉 增又責子詩曰白髮被兩鬢肌膚不復實雖有五男

兒總不好紙筆阿舒已二八嬾惰故無匹阿宣行志學

而不愛文術雍端年十三不識六與七通子垂九齡但

覓梨與栗天運苟如此且進杯中物 杜甫示宗武詩

曰覓句新知律攤書解滿牀試吟青玉案莫羨紫羅囊

暇日從時飲明年共我長應須飽經術已似愛文章十

五男兒志三千弟子行曾參與游夏達者得升堂 韓

愈訓子詩曰木之就規矩在梓匠輪輿人之能為人由

腹有詩書詩書勤乃有不勤腹空虛欲知學之力賢愚



同一初由其不能學所入遂異間兩家各生子女孩提巧  
相如少長聚嬉戲不殊同隊魚年至十二三頭角稍相  
踈二十漸乖張清流映汙渠三十骨骼成乃一龍一豬  
飛黃騰踏去不能顧蟾蜍一為馬前卒鞭背生蟲蛆一  
為公與相潭潭府中居問之何因爾學與不學歟金璧  
雖重寶費用難貯儲學問藏之身身在則有餘文章豈  
不貴經訓乃菑畲潢潦無根源朝滿夕已除人不通古  
今馬牛而襟裾行身陷不義况望多名譽時秋積雨霽

新涼入郊墟燈火稍可親簡編可卷舒豈不旦夕念為  
爾惜居諸恩義有相奪作詩勸躊躇 宋邵雍生男詩  
曰我今行年四十五生男方始為人父鞠育教誨誠在  
吾壽天賢愚繫于汝我若壽年七十歲眼前見汝二十  
五我心欲汝成大賢未知天意肯從否

原書漢劉向誠子書曰汝未有厚德蒙恩甚厚將何以  
振董生有云弔者在門賀者在閭言有憂則恐懼敬事  
敬事則必有善功而福至也又曰賀者在門弔者在閭

言受福則驕奢驕奢則禍至故弔隨而來齊頃公之始  
藉霸者之餘威輕侮諸侯虧跋蹇之容故被鞍之禍遯  
服而亡所謂賀者在門弔者在閭也兵敗師破人皆弔  
之恐懼自新百姓愛之諸侯皆歸其所奪邑所謂弔者  
在門賀者在閭也 後漢司馬徽誠子書曰聞汝充役  
室如懸磬何以自辦論德則吾薄說居則吾貧勿以薄  
而志不壯貧而行不高也 蜀漢諸葛亮誠子曰夫君  
子之行靜以修身儉以養德非淡泊無以明志非寧靜

無以致遠學須靜也才須學也非學無以廣才非志無以成學惱慢則不能勵精險燥則不能治性年與時馳意與歲去遂成枯落悲歎窮廬將復何及 魏王修誠子書曰人之居世忽去便過日月可愛也故禹不受尺璧而愛寸陰時過不可還若年大不可少也欲汝早之未必讀書并學作人欲令見舉動之宜觀高人遠節志在善人左右不可不慎善否之要在此際也行止與人物務在饒之言思乃出行詳乃動皆用情實道理違斯敗

矣父欲令子善唯不能殺身其餘無惜也 吳姚信誠

子曰古人行善者非名之務非人之為心自甘之以為  
己度嶮易不虧始終如一進合神契退同人道故神明  
祐之衆人尊之而聲名自顯榮祿自至其勢然也又有  
內折外同吐實懷詐見賢則暫自新退居則縱所欲聞  
譽則驚自飾見尤則棄善端凡失名位恒多怨人而害  
善怨一人則衆人疾之害一善則衆人怨之雖欲陷人  
而進已不可得也祇所以自毀耳顧真偽不可掩褒貶

不可妄舍偽從實遺已察人可以通矣舍己就人去否  
適泰可以弘矣貴賤無常唯人所達苟善則匹夫之子  
可至王公苟不善則王公之子反為凡庶可不勉哉

晉羊祜誡子書曰吾少受先君之教能言之年便召以  
典文年九歲便誨以詩書然尚猶無鄉人之稱無清異  
之名今之職位謬恩之加耳非吾力所能致也吾不如  
先君遠矣汝等復不如吾諂度弘偉恐汝兄弟未之能  
也奇異獨達察汝等將無分也恭為德首慎為行基願

汝等言則忠信行則篤敬無口許人以財無傳不經之語無聽毀譽之語聞人之過耳可得受口不得宣思而後動若言行無信身受大謗自入刑論豈復惜汝恥及祖考思乃父言纂乃父教各諷誦之 殷褒書曰大道也者易尋而難窮易知而難行也故京房之徒考步吉凶之變而不能自見其禍更為姚平所誡此道之難知也省爾之才不及於房而吾之言過于平矣昔正考父三命滋恭晏平仲久而敬之曾顏之徒有若無實若虛

也況爾折薪之智欲彈射世俗身為謗先怨禍並集使  
吾懷朝夕之憂為范武子所歎亦非汝之美也若朝盃  
暮習先人後已恂恂如也則吾聞音而識其曲食旨而  
知其甘永終吾餘年矣復何恨哉古人有言思不出其  
位爾其念之 陶潛誠子書曰少來好書偶愛閒靜開  
卷有得便欣然忘食見樹木交蔭時鳥變聲亦復歡然  
有喜嘗言五六月中北牕下臥遇涼風暫至自謂是羲  
皇上人汝等雖不同生當思四海皆兄弟之義鮑叔敬



仲分財無恠情歸生伍舉班荆道舊遂能以敗為成因  
喪立功他人尚爾況共父之人哉 增范宗瀚責彭乘  
訓子書曰王氏之子琪珪玘瓘器盡璫璵韓氏之子綜  
絳緝維才皆經緯非蔭而得由學而然 朱子訓子書  
曰勿妄與人接只是勤儉循之而上有無限好事吾不  
敢言而竊為汝願之反之而下有無限不好事吾不欲  
言而未免為汝憂之

父子繼業一

原俱至丞相

並為司徒

漢書韋賢字長孺子元成字少翁俱以明經位至丞相

詩緇衣美鄭武公父子並為周司徒善于其職也

增柱國讓父

西平有子

隋書楊元感與父素俱為柱國朝會則齊列文帝命元感降一等謝曰不意陛下寵臣之甚許以公庭展私敬

唐書德宗狩梁州李晟自東渭橋以精騎萬人破賊朱泚率殘卒西走餘黨悉降乃拜晟行營副元帥徙王西平郡子愬以蔭補官憲宗討吳元濟以為節度會大雨雪半夜擒吳元濟故曰惟西平有子惟我唐有臣

繼為宰相

代作刺史

唐書蘇頌與宋璟同當國璟嘗曰我與蘇氏父子同為宰

相僕射長厚自是國器獻可替否事至即行公不顧私則今丞相過之事詞類奇章康字元將代父端為荆

州刺史父出止傳舍康入官時人榮之

世有文辭

繼掌誥命

謝鳳事見父子

類明皇雜錄明皇幸蜀傳位賈至誤冊進稿上曰昔  
先皇誥命乃父為之今茲辭命乃出爾手兩朝盛典出

卿父子真可謂繼  
美矣至頓首流涕

嗣為學士繼作刺史

唐書蔣乂  
父子為學

士儒者榮之北史畢眾敬拜兗州刺史子  
元宜繼之父子相代為本州刺史當時榮之

俱勅行

軍同日受命

平淮西碑吳元濟反皇帝曰韓弘汝以  
辛萬二千屬而子公武往討之曰弘汝

其以節都統諸軍東軒筆錄王安石及子雱同修經  
義經成加安石左僕射雱龍圖閣直學士同日受命元  
絳賀詩曰陳前與服同  
桓傳拜後金珠有魯公  
父子同仕同列禁垣對管

華近

唐書蘇瓌子頴遷給事中拜中書舍人時瓌同中  
書門下三品父子同在禁垣朝廷榮之又曰溫

大雅遷黃門侍郎而考博亦為中書侍郎對管  
華近帝嘗從容謂曰我起晉陽為卿一門耳

父子

同拜 班次在前

唐書李宗閔進中書舍人父翽為華州刺史父子同拜世以為榮 宋史

吳育在二府父待問以列卿奉朝請父子在廷士大夫以為榮育蹶踏不安自言子班父前非所以示人以法

不敢以人子私亂朝廷之制願得罷去不聽

門生出迎

參軍在遠

唐書楊嗣

復領貢舉父於陵自洛入朝率門生出迎置酒新昌里第中於陵坐堂上嗣復與諸生坐兩序始於陵在考功擢浙東觀察使李師穀及第時亦在焉人謂楊氏上下門生世以為美 又曰王方慶為相時子為眉州司士參軍武后曰君在相位何子之遠對曰廬陵陛下愛子今尚在遠臣子庸敢相近耶 子能承父

是父是子

臣筆臣文

揚子石奮石建父子之美也無是父無是子無是子無是父

尚史顏延之少有令名宋文帝嘗問以諸子才能延之曰竣得臣筆測得臣文奐得臣義躍得臣酒何尚之曰

誰得卿狂答曰  
其狂不可及

# 一絕承父 五子知名

唐書宋令文  
富文史工書

有力絕人世稱三絕後之問以文章顯弟之悌以驍勇聞之選精草練世謂皆得父一絕  
晉書王羲之有子

七人其知名者五人曰元  
之凝之徽之操之獻之

# 克承驍勇 並著功名

北史

連奚震驍勇走及奔馬周文曰非此父不生此子

合

壁事類宋韓忠憲億子獻肅絳門下侍郎維尚書右僕

射鎮韓忠獻琦子門下侍郎忠彥范文正仲淹子忠宣

純仁並以勲業著曹武惠彬子武穆瑋高武烈瓊子穆

武繼勲並

# 仲郢風矩 蘇氏文章

唐書柳公綽子仲  
郢牛僧孺辟武昌

幕府有父風矩僧孺歎曰非積習名教安及此邪  
宋

史嘉祐間蘇洵與其二子軾轍至京師歐陽修得洵書

二十篇謂賈誼劉向不能過以其書獻諸朝二子軾轍

同登制科一日父子隱然名動京師蘇氏文章遂擅天

下

原父子同戮皆伏誅 乃自刎

漢書周紆字文通為沛郡守為人酷

虐後坐事父子皆伏誅

史記石奢相楚行縣有殺人者追之乃其父也縱其父還而自拘曰殺父立政非孝

也廢法縱罪非忠也

臣當死乃自刎而死

贖子罪 代父死

後漢書公孫賀為丞相子

敬聲為太僕敬聲有罪賀請捕朱安世以贖子罪安世曰丞相禍及宗矣詳前

假子憎何

晏 愛秦朗

魏略太祖納何晏母收晏養宮中服飾擬太子文帝憎之謂之假子 獻帝春秋秦

朗父為張飛所殺太子納其母愛朗謂人曰豈有愛假子如孤者

父子繼業二

原拜前拜後

尚書周公拜前魯公拜後

坐臥易處

漢書杜延年為御史大夫以居

父官不敢當父舊位坐臥皆易其處

復為司隸

後漢書世祖今鮑昱封降胡撤問有所怪否昱

曰通官文書不著姓怪司隸下著姓世祖曰吾欲令天下知忠臣子復為司隸也

三代司隸

又曰趙興三代為司隸

昔為彼郡

魏志劉馥為揚州太守思化大行子靖為廬江守詔曰卿

父昔為彼郡可謂克負荷也

亦為衛尉

魏志辛毗為衛尉卿子敞亦為衛尉

復臨

此郡

魏略張奐為武威太守時猛母方孕夢印綬登樓而歌旦告奐奐訊占夢占夢曰夫人生男復臨此

郡必死官乎及生猛建安中為武威太守殺刺史邯鄲商州兵圍之猛急恥見禽曰豈使我頭過華陰歷先君

之墓乎乃登樓自燒而死

並業書

晉書王羲之子獻之並能書謝安問獻之君書何如君家君答

曰固當不同

母子一

增釋名曰母冒也含生已也 說文曰母牧也 又曰

江淮之間謂母曰媢蜀謂母曰姐 集韻曰齊人呼母

曰嬖迷吳俗呼母曰媼淮南呼母曰嫫 增韻曰母慕

也嬰兒所慕也死曰妣媼也謂媼配于父也 易曰九

二幹母之蠱不可貞象曰幹母之蠱得中道也 又曰

坤地也故稱乎母 又曰坤為母 詩曰王事靡盬不

遑將母 又曰母氏劬勞 又曰母氏聖善 禮曰子



既生不免于水火母之罪也 又曰婦人從人者也嫁

從夫夫死從子 又曰不獨子其子注各子其子 孝

經曰母取其愛 漢文紀注曰列侯妻稱夫人列侯死

子復為列侯乃得稱太夫人 淮南子曰東家母死其

子哭之不哀西家子見之歸謂其母曰社何愛速死吾

必悲哭社注云江淮謂母為社 張衡曰報母恩曰思

大義顧復之報 文選曰懷袖之恩即母懷抱也懷袖

靡依言死也 彙苑曰慈母多格男

母子二

增詩曰魯侯燕喜令妻壽母 左傳曰晉敗齊師于鞍  
齊請平晉人曰必以蕭同叔子為質對曰蕭同叔子非  
他寡君之母也若以匹敵則亦晉君之母也吾子布大  
命于諸侯而曰必質其母以為信其若王命何且是以  
不孝令也 又曰鄭子展子產帥車七百乘伐陳宵突  
陳城遂入之陳侯扶其太子偃師奔墓遇司馬桓子曰  
載余曰將巡城遇賈獲載其母妻下之而授公車公曰

舍爾母辭曰不祥與其妻扶其母以奔墓亦免 公羊

傳曰桓何以貴母貴也母貴則子何以貴子以母貴母

以子貴也 後漢書長沙王彪漢末為上計詣京師既

而吳魏隔絕彪在內國更娶生子昌彪死後為東平相

始知吳之母亡便情係居重不攝職事 漢書曰金日

磾母教誨兩子有法度上聞嘉之病死詔圖畫于甘泉

宮日磾每見畫常拜向之涕泣 通鑑曰徐庶母為曹

公所得庶謂備曰本欲為明公效愚款今失老母方寸

亂矣備遂聽庶降曹公 晉書曰桑虞字子深魏郡黎

陽人五代義居閨門雍穆青州刺史苻彤甚重之嘗詣

虞家升堂拜母時以為榮 南史曰沈攸之為荊州刺

史招集才力之士隨郡人雙泰貞有幹力召不肯來攸

之遣二十人披甲追之泰貞射殺數人欲過家將母去

事迫不獲單身走入蠻中追者既失之錄其母去泰貞

既失母乃自歸攸之不罪曰此孝子也賜錢一萬轉補

隊主其抑情待士如此 又曰臧盾有至性嘗隨父宿

直廷尉府母劉夜暴亡眉左手中指忽痛不得寢及旦  
宅信報凶問 唐書曰狄仁傑為并州參軍司法鄭崇  
質母老且病當充使絕域仁傑謂曰太夫人有危疾而  
公遠使豈可貽親萬里之憂詣長史蘭仁基請代行仁  
基與司馬李康不協相語曰吾等獨無媿邪由是相待  
如初 因話錄曰唐憲宗以柳宗元為柳州刺史劉禹  
錫為播州刺史柳以劉須侍親播州最為惡處請以柳  
州換上不許宰相對曰禹錫有老親上曰但要與惡郡

宣繫母在裴度進曰陛下方侍太后不合發此言上有  
媿色既而語左右曰裴度終愛我切禹錫遂改授連州  
又曰王稚川調官京師母老留鼎州久不歸侍嘗閱  
貴人歌舞有詩云畫堂玉佩縈雲響不及桃源欸乃歌  
黃山谷和韻諷之云慈母每占烏鵲喜家人應賦戾戾  
歌可謂盡朋友責善之義山谷至孝奉母安康君至為  
親滌溺器未嘗頃刻不供子職

母子三

原何恃

靡依

詩無母何恃又靡依匪母

增置酒

鬻布

晉書周顓母李

氏名絡秀汝南人嘗冬至置酒舉酒對三子曰爾等並居貴位在吾目前吾身後何憂嵩起曰伯仁志大而才

短名重而識闇好因人之獎此非自全之道嵩性抗直亦不容于世惟阿奴碌碌在阿母前耳後果如其言

梁書王僧孺幼貧其母鬻紗布以自業常攜僧孺于市道遇中丞函簿驅迫溝中及僧孺拜中丞曰引騶清道

悲不自勝

掘地

驅車

左傳鄭莊公寘母于城穎而誓之曰不及黃泉無相見也既而悔之

穎考叔為穎谷封人有獻于公公賜之食食舍肉公問之對曰小人有母未嘗君之美請以遺之曰爾有母遺

繫我獨無穎考叔曰何謂也公語之故且告之悔對曰若掘地及泉隧而相見其誰曰不然公從之遂為母子

如初又曰宋南宮長萬作亂奔陳以乘車輦其母一日而至

織屨

市馬

晉書劉惔字真

長沛人少清遠有奇才與母任氏寓居京口家貧織芒  
屨以為養雖葦門圭竇晏如也又曰卻說濟陰人對

策高第拜議郎母在日苦病及卒不欲車載家貧無以  
市馬乃于住堂北壁外假塋朝夕拜哭養雞種蒜竭其

方術喪過三年得馬八匹輿棺至塚負土成墳  
**嚙指** **搯臂** 搜神記曾子從孔子在楚而心

動辭歸問母母曰思之切嚙指孔子聞之曰參之至誠  
也精感萬里東漢蔡順事同王充論衡曾子出薪

于野有客至其家欲去其母曰願留參方到即以左手  
搯右臂臂痛參即馳至問母曰臂何故痛母曰今者客

至搯吾臂  
**絕裾** **求扇** 晉書溫嶠初授左長史劉司  
呼汝耳空琨使勸進母崔氏固駐之

嶠絕裾而去南史張劭生而母沒年十餘歲求母遺  
物而散施已盡惟有一畫扇乃緘錄之每至感恩輒開

筭流  
**中使迎還** **手詔存問** 合璧事類陸贄為中書  
舍人母韋氏在江東帝



遣中使迎還 宋史張齊賢拜中書門下平章事母孫氏年八十封晉國太夫人太宗歎其母福壽有令子賜手詔存問 恩賜湯沐 封讓夫人 春明退朝錄官詔緡紳榮之

花羅紙七張錦綵袋賜以湯沐邑乃奉親之至榮也宋史趙槩會郊祀當任子進階爵公乞以封母郡太君宰相相謂曰方為學士擬封不久矣公曰母年八十二願及今拜君賜以為榮許之遂以為例 持節

侍母

設菜留賓

本傳晉汝南王亮母伏太妃嘗有小疾拔于洛水亮兄弟三人侍從並持

節鼓吹震耀洛濱武帝登凌雲臺望見曰伏妃可謂富貴矣 南史樂頤之字文德吏部郎庾杲之嘗往候頤

之為設食枯魚菜菹而已杲之曰我不能食此母聞之自出常膳魚羹數種杲之曰卿過于茅季偉我非郭林

宗

去帽導輿

誦詩解帶

唐書崔邠拜太常卿故事太常始視事大閱四部樂

都人縱觀邨自第去帽親導母與公卿見者皆避道都人榮之本傳周磐養母嘗誦詩至汝墳末章慨然而

歎乃解韋帶就孝廉之舉及母歿公府三辟皆不應宰相迴班鄰里輟社唐

趙隱輔政他宰相及百官皆詣第升堂慶母懿宗誕日宴慈恩寺隱侍母以安輿臨觀宰相方率百官拜恩于

庭迴班候夫人縉紳以為榮世說王修字叔治母以社日亡修來歲社日感念亡母哀甚初喪鄰里為之輟

社曹王擁笏鄭尉濡章曹王碑唐成王臯為刺史遺誣在治念其母老將驚

而戚出則囚服就辦入則擁笏垂魚南部新書駙馬都尉鄭瞻潛曜睿皇之外孫尚明皇第十二女臨晉長

公主母即代國長公主也開元中母寢疾曜刺血濡章請以身代及焚章獨神道許三字不化翌日主疾間鄭

固命左右勿言其請天之章門客尹靈琛之辭也靈琛為人言之朱鳶夢親白鳥

集墓

唐書高士廉謫朱為主簿嶺南瘴癘母不可同行留妻解于氏侍養久在南方不知母問安否嘗畫

寢夢其母與之言宛如膝下既覺涕泗橫集明日果得母訊本傳林攢母亡作冢屋有白鳥來甘露降觀察

使李若初遣官屬驗實會露晞攢哭曰天所降露禍我邪俄而露復集鳥亦迴翔詔作二閼于母墓前又表其

閼時號閼下林家

躡踊斃牛

揮拳搏虎

明語林方觀年十喪母負土成墳

廬其側三年有墓木為牛踐毀躡踊悲號牛忽自斃又曰廖庭皓母採蔬于園遇虎皓自田來急追及抱虎項且泣且訴願以身代虎不顧即以拳入虎口母遂得脫

## 母子四

增投杼

戰國策秦王使甘茂伐韓取宜陽茂曰昔者曾參處鄭有與參同姓名者殺人人告其母曰曾

參殺人其母織自若頃一人又來告之其母曰吾子不  
殺人有頃一人又來告其母投杼踰牆而走夫以曾參  
之賢三人疑之其母懼焉今臣之賢不若曾參王之信  
臣又不若曾參之母疑臣者非特三人臣恐大王之投  
杼也

辭金受粟

呂氏春秋齊有北郭騷者捆蒲織屨履以養其母猶不足踵門見晏子願乞

所以養母晏子使分倉粟府金而遺之辭金而受粟

慈母敗子

李斯書慈母有敗子後人遂謂

母為慈庭

萬石嚴嫗

史記東海嚴嫗生延年兄弟五人皆

嫗孤犢觸乳

謝承後漢書仇覽字季智為縣陽遂亭長里人陳元凶惡不孝其母詣覽言覽

呼元誦責與孝經一卷使誦讀之元深改悔到母牀下謝罪曰元少孤為母所驕訪曰孤犢觸乳驕子罵母乞自今改後

竊蒙錦被

世說陳元方遭父憂哭泣甚哀容體骨立其母愍之竊以錦被

蒙之郭林宗弔而見之謂曰卿海內之後四方是則如  
何當喪蒙以錦被馬因奮衣而去自後賓客絕數百日

### 當歸遠志

孫盛雜記姜維天水人既歸蜀與母相失  
人使其母手書呼維令反并送當歸以譬

之維報曰良田百頃不計  
一畝但有遠志無有當歸

### 家母

家訓陳思王稱  
其母為家母

此

### 母此子

晉書范逵謂陶侃母  
曰非此母不生此子

### 捫瘡輒哭

記間錄寇萊  
公少時不修

小節頗愛鷹犬太夫人性嚴每不勝怒舉科錘投之中  
足流血由是折節從學及貴母已亡每捫其瘡痕輒哭  
云

### 母子五

增詩唐杜甫賀陽城郡王衛伯玉太夫人恩加鄧國太

夫人詩曰衛幕銜恩重潘輿送喜頻濟時瞻上將錫號  
戴慈親富貴當如此尊榮邁等倫郡依封土舊國與大  
名新紫誥鸞迴紙清朝燕賀人遠傳冬笋味更覺綵衣  
春奕葉班姑史芬芳孟母鄰義方兼有訓詞翰兩如神  
委曲承顏體騫飛報主身可憐忠與孝雙美畫麒麟  
孟郊游子吟曰慈母手中線游子身上衣臨行密密縫  
意恐遲遲歸誰言寸草心報得三春暉 又游寺詩曰  
萱草集堂階游子行天涯慈親倚堂門不見萱草花

增賦晉潘岳閒居賦序曰太夫人在堂有羸老之病尚  
何能違膝下色養而屑屑從斗筲之役乎於是覽止足  
之分庶浮雲之志築室種樹逍遙自得池沼足以漁釣  
畚稅足以代耕灌園粥蔬以供朝夕之膳牧羊酤酪以  
俟伏臘之費乃作賦曰凜秋暑退熙春寒往微雨新晴  
六合清朗太夫人乃御板輿升輕軒遠覽王畿近周家  
園席長筵列孫子柳垂陰車結軌或宴于林或楔于泥  
昆弟班白兒童稚齒稱萬壽以獻觴或一懼而一喜壽

觴舉慈顏和浮杯樂飲絲竹駢羅頓足起舞抗音高歌  
人生安樂孰知其他

賢母一

增歐陽修曰以恭儉均一教育其子為賢母 又曰見  
其子之賢而有立則知其母之義方 王安石曰以嚴  
為賢母

賢母二

增禮曰公父文伯之喪敬姜據其牀而不哭曰吾有斯



子也吾以為賢人也及其死也朋友諸臣未有出涕者而內人皆行哭失聲斯子也必多曠于禮矣 左傳曰叔向欲娶申公巫臣氏其母止之曰甚美必有甚惡叔向懼不敢娶平公強使娶之生子伯石其母將視之及堂聞其聲而還曰豺狼之聲是必喪羊舌氏遂弗視國語曰范氏母者范獻子之妻其三子游于趙簡子乘馬園中國中多株問曰奈何其少子曰可以三悅使民簡子從之少子歸伐其謀母歎曰終滅范氏者必是子

也夫伐功施勞鮮能布仁乘偽行詐鮮能久長後智伯滅范氏君子謂范氏母為智列女傳曰楚將子發攻秦絕糧使人請于王因歸問其母母問使者對曰士卒并分菽豆而食之將軍朝夕芻豢黍粱子發破秦而歸其母閉門不納使人數之曰汝不聞勾踐之伐吳乎夫使人于死地而自康樂于其土雖有以得勝非其術也子非吾子也母入吾門子發于是謝其母然後納之戰國策曰王孫賈年十五事閔王王出走失王之處其

母曰汝朝出而暮歸則吾倚門而望汝暮出而不歸則  
吾倚閭而望汝今事王王出汝不知處尚何歸賈入市  
曰淖齒亂齊國殺王欲與我誅者袒右市人從者四百  
人遂誅淖齒 史記曰秦末天下兵起陳嬰亦起衆母  
曰自吾為汝家婦長見貧賤卒富貴不祥不如以兵屬  
人事成少受其利 漢書曰雋不疑為京兆尹每錄囚  
徒其母問以平反喜而食否則怒不食故不疑為吏嚴  
而不酷 後漢書曰崔寔母劉氏博覽書傳寔為五原

人遂誅淖齒

史記曰秦末天下兵起陳嬰亦起衆母

曰自吾為汝家婦長見貧賤卒富貴不祥不如以兵屬

人事成少受其利

漢書曰雋不疑為京兆尹每錄囚

徒其母問以平反喜而食否則怒不食故不疑為吏嚴

而不酷

後漢書曰崔寔母劉氏博覽書傳寔為五原

太守有能政母助也 魏紀王經為尚書高貴鄉公欲  
討司馬昭召經及王沈王業謀經諫以魯昭公不忍季  
氏卒有乾侯之禍沈業馳出告昭經獨不告被收辭母  
母顏色不變笑而應曰人誰不死恐不得死所以此并  
命何恨之有 晉書曰潘岳母誠岳以止足之道及為  
孫秀所收與母別曰負阿母 又曰劉琨為并州刺史  
母謂之曰汝宜弘濟經略驅駕豪傑而專欲除勝已以  
自安當何以濟後母并為劉聰所害 又曰荀羨字令

則清和有準年七歲遇蘇峻難隨父在石頭峻甚愛惜之恒置羨于膝上羨乃陰白其母曰得一利刀子足以殺賊母掩其口唐書曰王琚始為中書侍郎母居洛陽來京師讓琚曰爾家上世皆州縣職今汝無攻城野戰之勞徒以諂佞取容吾恐汝家墳墓無人復埽除也琚卒不免綱鑑曰宋尹焞師事程頤紹聖初嘗應舉發策語不善焞曰是尚可以干祿乎不對而出告頤曰吾不復應進士舉矣頤曰子有母在歸告其母母曰吾

知汝以善養不以祿養也

賢母三

增焚裘 蒙被

世說桓南郡既破殷荊州并殺其咨議羅企生桓先曾以一黑裘與羅企生母

胡胡時在豫章門至母即日焚裘唐書鄭善果母崔

氏適滎陽鄭誠生善果周末誠討尉遲迴力戰死于陣

崔年二十而寡後善果以父死王事襲爵轉魯郡太守

母聞善果行事不允或妄嗔怒乃蒙被而泣終日不食

善果伏牀前不敢

起母方起而教之

四珍 七子

華陽國志曰恭瑛南鄭楊相妻大鴻臚劉

巨公女也有四男二女相亡教訓六子動有法矩長子

元珍出行醉母十日不見之元珍叩頭謝過次子仲珍

白母請客既至無賢者母怒責之仲珍乃革行交友賢

人兄弟為名士恭瑛之教流于三世四子才官隆于先

人故時人為識曰三苗雖止四珍復起又曰杜泰姬  
而鄭人趙宣妻也生七男七女若元珪稚珪有望五人  
皆令德其教男也曰昔西門豹佩韋以自寬宥子賤帶  
弦以自急故能改身之恒為天下名士後七子皆辟命  
察舉牧州守郡而漢中太守南鄭令多與七  
子同歲季考上計無不敬泰姬執子孫禮

原徙擇

鄰 歸除墓

列女傳孟軻之母三徙擇鄰以教子通  
鑑嚴延年為河南太守陰鸞酷烈吏人號

曰屠伯其母知終伏誅乃四不意當老見壯子被刑戮  
今去汝東歸塋除墓地耳遂歸後歲餘延年果棄市東

海莫不  
賢其母

買豬肉

還魚鮓

韓詩外傳孟子少時問東  
家殺豬何為母曰欲啖汝

既而悔曰吾聞胎教割不正不食席不正不坐今適有  
知而欺之是教之不信乃買豬肉以食之吳錄孟仁  
字恭武本名宗為監魚池司馬自結網捕魚作鮓寄  
母母還之曰汝為魚官以鮓寄母非避嫌之道也

隔幔受業

覆燭窺檄

晉書韋逞母宋氏父世儒學盧壺奏就家立講堂置生徒百二

十人隔紗幔受業號宣文君賜侍婢十人又曰何無忌母劉氏弟牢之為桓元所殺常思報及無忌與劉裕定謀夜于屏風內制檄劉氏以器覆燭窺之泣曰我不如東海呂母既孤其誠常恐壽促汝能如此吾誓恥雪矣

截髮待客

遺鮓增憂

世說陶侃字士行孝廉范逵嘗過侃時倉卒無以待

客母謂侃曰汝但留賓客吾為計乃截髮為雙髻賣易酒肴極豐備歡樂從者亦過望逵至京師稱述侃侃遂知名晉書陶侃母湛氏侃少為縣吏嘗監魚池以魚鮓遺母母封鮓責之曰爾以官物遺我不能並我乃增我憂耳

增反金百鎰

掩錢一船

韓詩外傳田子相齊三年得金百鎰奉其

母母曰安所得此對曰所受之俸祿也母曰不義之物不入于館為臣不忠是為子必不孝也田子愧慙造朝



還金退請就獄王賢其母赦田子之罪今復為相以金  
賜母唐書李景讓母鄭氏性嚴明早寡家貧子幼自  
教之宅後牆陷得錢盈船母祝之曰吾聞無勞而獲身  
之災也天必以先君餘慶矜其貧而賜之願諸孤學問  
有成此不敢取

### 切肉必方

絮羹即叱

通鑑東漢陸續字智伯續

初繫獄見餉羹知母至流涕吏怒以為卒適意續曰母  
作羹斷葱必寸切肉必方以此知之本傳宋程大中

珣夫人侯氏明道伊川之母也飲食嘗置二子于座側  
或絮羹即叱之曰幼求稱欲長當何如故明道兄弟于

飲食衣服無所擇皆母教之使然也按絮者就器中調和也

### 坐中識人

牕閒聽

客

南部新書唐潘孟陽母劉晏之女也時杜黃裳詣宅  
母問末坐綠衣少年何人曰補闕杜黃裳母曰此人

全別必是貴人後果為相山堂肆考宋張奎字密學  
弟元字密省其母朱氏親教督二子讀書客至母輒于

聽前聽之客與其子論文學政事則為之設殺饌或問  
姑諧擬則不設也後二子皆登第奎嘗有酒失母怒欲  
笞之遂不復飲終身 杖習弓矢 寵賜冠帔 浣水燕談宋陳堯

及守荆南回母馮夫人問曰汝為郡有何異政堯咨曰  
每以弓矢為樂母曰汝父教汝以忠孝輔國家今汝不  
務行仁化而專務一夫之勇豈汝父志邪杖之碎其  
金魚 宋史蔡襄母有賢行仁宗特賜冠帔以寵之

重元馭言

讀范滂傳

舊唐書崔元暉為檢校員外郎  
其母盧氏戒之曰吾見辛元馭

云兒子從宦者聞有人來云貧乏不得自守此是好消  
息若聞資貨充足衣馬輕肥此是惡消息吾嘗重此言  
今坐食俸祿若不能忠清何以戴天履地特宜修身潔  
已勿累吾此意也 宋史蘇軾母程氏父洵游學四方  
程氏親授以書嘗讀范滂傳慨然太息軾請曰軾若  
為滂母許之手程曰爾能為滂吾顧不能為滂母邪

孟母斷機

敬姜效績

列女傳孟子學而歸母問學所至孟子自若也孟母以刀斷機

曰子之廢學若吾斷機孟子懼勤學不息遂成名儒魯語公甫文伯退朝朝其母方績文伯曰以歌之家而主猶績懼干季孫之怒也其母歎曰沃土之民不材淫也瘠土之民莫不嚮義勞也男女效績愆則有辟古之制也今我家也爾又在下位朝夕處事猶恐忘先人之業況有怠惰其何以避辟

丸熊助讀

傾筭易書

唐書柳仲郢幼嗜學母韓氏嘗命以粉告參黃連熊膽和丸使夜嚼以助其勤元和

未及進士第為校書郎又曰鉤智湛子昭好學有驚異書者母顧筭中金曰何愛此不使子有異聞乎

司馬勛名

榮公德器

顏氏家訓王大司馬母魏夫人性甚嚴王在湓城時為三千人

將年逾四十少不如意猶箠之故能成其勛名本傳宋呂希哲字原明中國正獻公之長子中國夫人性

欽定四庫全書

仙分洲南卷四十三

三

嚴有法教公循蹈規矩甫十歲祁寒盛暑侍立終日雖  
盛熱在父母長者之側不得去巾襪衣服無得入酒肆  
市井里巷鄭衛之音未嘗一經于耳不正之書非禮之  
色未嘗一接于目教訓之嚴如此故公之德器大異于  
人

嶺外授書

堂前供食

元史虞集母姓楊父世仲  
世以春秋名家楊氏在室

即通其說適成都庾汲生集宋末兵亂汲攜家趨嶺外  
無書可攜楊氏口授集論語孟子左氏傳歐蘇文後集  
以文翰擅名當代皆楊氏內訓之力也魏志房景伯  
為清河太守母崔氏適經有明識見丘婦人列其子不  
孝景伯白其母母曰民未知禮義何足深責名其母對  
榻共食使其子侍立堂下觀景伯供食未旬日悔過求  
還崔氏曰此雖面慙其心未化且置之凡二十  
餘日其子叩頭流血母涕泣乞還卒以孝聞

作被

招朋

褫衣息衆

列女傳吳江夏孟宗少游學嘗從南  
陽李肅游與同學共處母為作十二

幅被其鄰婦怪問之母曰小兒無異操懼朋類之不顧故大其被以招貧生之臥庶聞君子之吉耳唐書武宗會昌中李景讓為浙西觀察使嘗怒牙將杖殺之軍且謀變母鄭夫人召景讓庭責曰爾鎮撫方面而輕用刑一夫不寧豈特上負天子亦使垂老之母銜羞入地何面目見先大夫乎命左右褫其衣將撻其背將佐為請久乃釋之一軍遂安

御府帳幃

潁川襦袴

吳志蔣欽母疎帳縹被孫權歎

其在位能守儉約勅御府為母作被及帳幃晉書韓康伯潁川長社人母殷氏高明有識家貧伯年數歲大寒母為作布襦令伯捉熨斗而謂之曰且著布襦尋復作袴伯曰不須母問故曰火在熨斗中柄熱今上著襦下亦當

仁恕全身

節義旌母

晉書羊耽妻辛氏隴西人侍中毗之女有

才鑒鍾會為鎮西請其子琇為參軍母曰軍旅之間可以濟者惟仁恕乎古之君子入則致孝于親出則盡忠

于國在職思其所司在義思其所立無貽父母憂患而  
已後會至蜀果反琇竟以道全身又曰虞潭母孫氏  
刻子以節義朝廷嘉之拜武昌太守丞相  
已下皆拜之年九十五潭立養堂于家  
盡忠死孝

### 先國後家

三十國春秋蘇峻作逆領軍卞壺以王師  
敗績遂單騎赴難二子盼盱俱隨之歿母

裴氏撫尸而哭曰父為忠臣子為孝子夫何恨乎唐  
書張易之張昌宗居中用事桓彥範謀誅之以白其母

母曰忠孝不兩全

先國後家可也

### 從師受業 直罪貶官

魏書高謙  
之妻中山

張氏誠勸諸子從師受業常戒之曰自為汝家婦未見  
汝父一日不讀書汝等各宜修勤勿替先業合璧事

類華原令盧機以公事譙責邑人齊令說官人也街之  
揭機罪張鑑按驗機當免官有司承風以死論鑑不直  
之乃白其母曰今理機機免死而鑑坐貶默則負官貶  
則為太夫人憂敢問所安母曰免無累于道吾所安也

遂直其罪鑑  
貶撫州司戶

識是貴人

免為官婢

本傳王珪與房元齡杜如晦善

母李氏嘗曰汝必貴然未知所與游者何如人試與偕來會元齡等過其家李窺大驚勅具酒食觀盡日喜曰二客公輔才汝貴不疑本傳嚴武鎮蜀頗放肆及卒母哭曰今而後吾知免為官婢矣

案誅長

史

憂作丞郎

史記張湯為御史大夫三長史謀臨湯罪湯自殺湯死家產直不過五百金昆

弟諸子欲厚葬湯湯母曰湯為天子大臣被污惡言而死何厚葬乎載以牛車有棺無槨天子曰非此母不生死此子乃盡案誅三長史丞相青翟自殺唐書潘孟陽初為侍郎年未四十其母曰以爾之才而作丞郎使吾

憂

拔刀逐賊

舉秤投兒

本傳唐僕固懷恩遣子瑒攻辛雲京偏將焦暉等斬

瑒首獻闕下懷恩告其母母曰我戒汝勿反今衆變禍且及我提刀逐之曰我為國殺此賊懷恩以部曲三百

走靈州上詔輦其母歸京師贊曰其母拔  
刀逐賊烈婦人哉 下寇準事見母子類

藍田生玉

南越賚車

北史陸卬字雲車母魏上庸公主初封藍  
田卬昆季六人皆主所出邢邵嘗謂人云

藍田生玉固不虛矣主教訓諸子俱以義方雖創巨痛  
深出于天性然動依禮度亦母氏之訓也卬兄弟相率  
廬于墓側詔改所居里為孝終里 天中記洗氏高涼  
人適高涼太守馮寶與夫參決詞訟政令有序寶卒嶺  
表大亂氏懷集之子僕尚幼以氏功封信都侯冊氏為  
高涼郡太夫人賚繡纈油絡駟馬安車鼓吹麾幢旌節  
如刺史之儀僕卒百

剪髮易書

織紵為業

元史陳祐母張

越號夫人為聖母

氏祐少好學家貧母嘗剪髮易書使讀之長遂博通經  
史歷官行中書省左丞 又曰雷厲字彥正渾源人七  
歲而孤母侯氏織紵為業課厲讀書厲篤志  
于學事母以孝聞歷官浙江提刑按察司使

李杜齊



名 凝凌方駕

後漢書桓帝時大誅黨人范滂詣獄其母就與之訣曰汝今得與李杜齊名死

亦何恨既有今名復求壽考可兼得乎滂跪受教再拜而辭唐書楊憑少振其母訓導有方長善文詞與弟

凝凌皆

有名

却饋而勉讀書

易巾而赴中坐

合璧事類趙武孟少

游獵以所獲饋其母母泣曰汝不好書而傲蕩吾安望

哉遂不為食

雲溪友議杜悰牧澧陽宏辭李宣古數

陪燕飲戲謔侮慢杜不能容使辱之岐陽公主出而揉

之云尚書不念諸子學文擬陪李秀才硯席手遣易衣

而赴中坐公主請為詩冀彌縫也宣古詩云紅燈初上

月輪高照見堂前萬朶桃爭奈夜深拋耍令舞來按去

使人勞杜公賞之後二子喬休儒休

增惡母撥蜂

皆登第人曰非母賢不能成子也

棄井

山堂肆考伯奇後母令奇撥蜂因而譖之其父尹吉甫乃逐之詳後母後漢書龐參妻棄前妻子

井 于 原舜母嚚

姜氏惡

書父頑母嚚公寤生驚姜氏

左傳鄭莊遂惡之

殺子城北 棄女堤下

後漢書賈彪為新息令人貧困多不養子彪嚴為制與殺人同

罪城南有盜害人北婦人殺子彪出案掾吏欲引南彪怒曰賊害人此有常理母子相殘逆天違道遂先北也

左傳宋芮司徒生女子赤而毛棄之堤下恭姬之妾取以入名之曰棄

### 賢母四

原桓為已子

左傳莊姜無子戴嬀生桓公莊姜以為已子注言若已生

盾為嫡子

又曰趙姬請逆盾與其母來以看為才以為嫡子而使其已子下之

請不從坐

史記趙王使趙

括為將代康頗其母請于王曰括必敗請不從坐後果敗王乃原其母

無以為念

又曰王陵

母在楚使人於漢謂陵曰漢王長者善事之無以吾為念因對使者自刎以固陵志

能通經學

後漢書崔篆母師氏能通經學百氏之言王莽寵以儒禮賜號義成夫人金印紫綬文軒丹轂顯于新世

叙母罵而殺

魏志楊阜字義山參冀州軍事馬超攻破冀城殺刺史阜外兄姜叙也歷城阜見叙

母說冀中事責叙不討賊叙母慨然教從阜計叙起兵起擒得叙母罵超起殺之太祖下詔褒美之

銓衡當舉

晉書吳隱之字處默居喪過禮與韓康伯母鄰康伯母聞隱之哭謂其子曰汝居銓衡當

舉此人及康伯為吏部尚書遂舉隱之階清級

養前妻子

又曰羊祜前母孔融女生兄發初同

母兄承與發俱病祜母度不能兩存乃專心養發遂得濟也

增勉子盡忠

唐書王義方拜

御史疾當世附麗匪人以欺朝廷將欲劾奏意必得罪問計于母母曰昔王母伏劍以成陵誼汝能盡忠吾雖

死不恨

訓子博學

又曰顏真卿字清臣師古五世從孫也少孤母商氏躬加訓導既長遂博

學工詞章

織純敦本

通鑑劉元佐母嘗月織純一端示不忘本數教教元佐盡臣節見縣今走

庭中白事退戒曰長吏恐懼卑甚吾思而父吏于縣亦當耳而據案當之何安乎元佐感悟故待下益加禮

嚴以治家

唐書蕭純母韋氏賢明治家嚴饒雖宰相侍左右如褐衣

成此令器

宋史蘇易簡傳易簡參知政事母薛氏召入禁中上問何以教子成此令器母曰幼束以禮讓長訓以詩書上

曰真孟母也

賢母五

原替晉左九嬪孟軻母替曰鄒母善導三徙成教鄰止

庠序俎豆是效斷織激子廣以墳奧聰達知禮敷述聖  
道 又魯敬姜贊曰邈矣敬姜含德之英于行則高于  
理斯明垂訓于宗屬發奇聲宣尼三歎萬代遺馨 又  
晉鈕滔母序贊曰夫人姓公孫氏會稽人也資三靈之  
淳懿誕華宗之澄粹奇朗昭於韶亂四教成於弱笄慈  
惠溫恭行有秋霜之潔祗心制節性同青春之和敦悅  
憲章動遵禮規居室則道齊師氏有行則德配女儀禮  
服有盈籩豆無關猗歟夫人天資特挺行高冰潔操與

霜整性揚蘭芳德振玉穎猗彼瓊林奇翰有集展彼碩

媛含德

闕二字

動與禮游靜以義立

後母一

增儀禮曰繼母如母故孝子不敢殊也 柳文曰繼母

同母也當以配父之尊居母之位齊杖之制皆如親母

顏氏家訓曰凡庸之性後夫多寵前夫之孤後妻必

虐前妻之子非惟婦人懷妒之情丈夫亦有沈惑之僻

亦事勢使之然也前夫之孤不敢與我子爭家提攜鞠

養積習生愛故寵之前妻之子每居已生之上宦學婚嫁莫不為妨焉故虐之異姓寵則父母被怨繼親虐則兄弟為讎家有此者皆門戶之禍也

## 後母二

增萬章曰父母使舜完廩捐階瞽瞍焚廩使浚井出從而拚之家語曰曾子遣婦終身不娶其子請焉告之曰高宗以後婦出孝已尹吉甫以後妻嫉伯奇庸知其得免非乎晉書曰涼武昭王李元盛后尹氏少好學

清辨有志節初適扶風馬元元卒為元盛繼室以再醮之故三年不言撫前妻子如已所生 裴子野志略曰會稽郭志道事繼母至孝家貧產子憂不能字謂其妻曰傷慈以終孝吾無恨也遂瘞之

後母三

出母 母賤並附

增繫蜂

叱狗

山堂肆考周尹伯奇事後母至孝母不仁常欲害奇乃取蜂去其毒繫于衣上

故令伯奇見之奇恐蜂傷其母以手取之母便大呼曰伯奇牽我吉甫大怒令伯奇死伯奇遂自縊父命人出其屍手中猶有死蜂父傷痛恨其妻後漢書鮑永字君章事後母至孝妻嘗于母前叱狗即出之 誓



羊

夢虎

孝子傳陳元字子元陳侯太子七歲喪母父更娶周氏有子曰昭周氏說陳侯將殺元昭

欲先死元不聽引白羊誓曰孝者羊血逆上一丈三尺一如誓言周又讒之侯怒令元自殺元投遼水昭從後

來以問漁者云投水死矣昭氣絕良久曰吾兄也亦投水而死搜神記衡農字剽卿東平人少孤事繼母至

孝嘗宿于他舍值雷雨頻夢虎噬其足農呼妻相出于庭叩頭三下屋忽然而壞壓死者三百餘人惟農夫婦

獲敝衣

奪劍

山堂肆考崔衍父倫使吐蕃歸後妻李氏敝衣以見倫問故曰衍不吾給

倫怒欲袒而鞭之行涕泣無所陳倫弟教趨白衍所廩舉送夫人所尚何云倫悟由是譖無所入五代史安

重榮雖武夫而曉吏事有夫婦訟其子不孝重榮拔劍授其父使殺之其父泣不忍其婦從傍詬罵奪其劍而

逐之間之乃繼母也重榮叱其母出射殺之

原撫字益隆

恩養加篤

帖白

程文矩妻穆姜有二男而前妻有四子以母非所生憎毀日積而穆姜撫字益隆衣食皆兼倍所生文矩卒或謂母曰四子不孝何不分母曰方以義導之使善及前妻長子興遇病困母親調藥餌久乃瘳謂三弟曰繼母慈仁我曹過深矣遂將三弟詣南鄭獄陳母之德狀已之過乞就刑縣言于郡郡守表異其母蠲徭遣四子許以修葺後漢書楊厚字仲植母與前妻子博不相安厚年九歲思令和親乃託疾不言不食母知其旨瞿然改意恩

增孝已見放

申生待烹

尸子殷高宗之子曰孝已有孝行事

養加篤 親一夜五起視衣之厚薄枕之高下也其母早死高宗或後妻言放之而死天下哀之左傳晉獻公初娶齊姜生子申生既而得驪姬生奚齊愛幸之嘗欲廢申生立奚齊會申生薦祭母之胙于公公曰姬置毒胙中公祭之地地墳與犬犬斃與小臣小臣亦斃姬曰賊由太子太子奔新城曰君實不察其罪被此名也以出人誰

納我繼  
于新城

供養不衰

奉事甚謹

家語曾子後母遇之  
無思供養不衰 唐

書柳公權事後母薛甚謹  
雖姻屬不知非薛所生

蘆花代絮

蒲蓆貯衣

孝子

傳閔子騫為後母所苦以蘆花衣之以代絮父知之欲  
出後母子騫曰母在一子單母去三子寒遂止 下晉

王延事  
見後

誠生梓樹

孝出醴泉

東觀漢記應慎字仲  
華為東平相事後母

至孝精誠感應梓樹生廳前屋上徙至府庭繁茂長大  
唐書宋思禮字過庭事繼母以孝補蒲縣主簿會天

旱井池涸母羸疾非泉水不適口思禮憂懼具荷忽有  
泉出諸庭味甘寒日不乏汲縣人異之尉柳冕為刻石

頌其

師友之益

忠孝之家

山堂肆考宋畢文簡公  
士安字仁叟少好學事

繼母以孝聞母曰學必求良師友乃與如宋又如鄭得  
楊璞韓丕劉錫為友因為鄭人 孝子傳宋趙抃喪繼

母與弟拊廬于墓縣令表其里曰孝弟築閭立表  
樓鑰為書忠孝之家四字處士孫倅為孝子傳

不

惜貲財 莫辨兄弟

漢書楊惲字子幼初受父財五百萬及身封侯皆以分宗族後母無

子財亦數百萬死皆與惲惲復分後母昆弟不忍自私  
魏書高謙之字孝讓事後母李以孝聞李亦撫育過

于己生人莫能辨其兄弟  
所出同異論者兩重之

增出母死而不喪 送之

不顧

禮記子上之母死而不喪問諸子思曰昔者子之  
先君子喪出母乎曰然子之不使白也喪之何也

子思曰吾先君子無所失道道隆則從而隆道汚則從  
而汚伋則安能為伋也妻者是為白也母不為伋也妻  
者是不為白也母故孔氏之不喪出母自子思始也  
吳志駱統字公緒母改適為華歆小妻統時八歲遂與  
親客歸會稽其母送之拜辭上車面西不顧母泣於  
後御者曰夫人猶泣統曰不欲增母思乃不顧也

增母賤此真將軍

應為小兒

史記姑布子卿見無恤曰此真將軍也簡子曰

此母賤翟婢也子卿曰天之所授雖賤必貴晉書裴秀母賤秀年八歲著屬文而嫡母宣氏不之禮令秀母進饌于客賓見皆為之起母曰微賤如此應為小兒故也

後母四

出母母賤附

增挽車援琴

山堂肆考周尹伯奇吉甫之子也吉甫惑于後妻逐之乃編芟荷以為衣采梲花以

為食清朝踐霜挽車援琴而歌

原織屨給

漢書翟方進為小吏蔡父相之謂有封侯骨西至京

師受經後母憐其幼隨之長安織屨以給子讀書後射策甲科

無几杖

後漢書胡廣年八十心力

克壯為太傅繼母在堂朝夕省膳傍無几杖言不稱老母卒居喪禮三年

增從子居官

漢書

薛宣字贛君宣有兩弟曰明曰修明至南陽太守修歷京兆尹少府後母常從修居官宣為丞相時修為臨淄令宣迎後母修不遣後母病死修居官持服宣謂修三年服少有能行之者兄弟相馭不可修竟服由是兄弟不和

原慙而還

綱鑑薛包字孟嘗後母憎包分出之包日夜號泣不能去至被杖毆不得

已廬于舍外旦入而洒埽父怒又逐之乃廬于里門積歲餘父母慙而還之後六年服喪過乎哀戚行

毒

後漢書馮衍子豹年十二後母惡之因夜行毒而豹敬事逾謹

遣迎不至

漢書何武後母

在遣吏歸迎吏恐路有盜賊留止久不至哀帝策免武曰君孝聲不聞其上大司空印綬

增鬻衣

賣產

後漢書郭丹後母為鬻衣裝賣產業與從師長安

去梯求計

蜀志劉琦劉琮皆劉

表之子表惑于後妻蔡氏之言遂愛琮琦將諸葛亮游後園共上高樓去梯求計曰今日上不至天下不至地

言出子口入于吾耳可以言未亮曰君不見申生在內而危重耳在外而安乎琦感悟陰規出計

原

一魚躍出

晉書王延後母以蒲牀與延財衣姑問之不  
言夏扇枕席冬以身溫母愛魚求不得杖之

流血叩而哭忽有一魚長五尺躍出水  
母食之積日不盡于是撫之如己之子

雙鯉躍出

又

王祥繼母朱氏欲生魚祥解衣將剖冰水解雙鯉躍出  
又思黃雀炙有數十雀飛入幕中庭有丹柰母令守之  
風雨犯樹而泣

不隨之官

又曰傳咸為州繼母杜氏不肯隨  
咸之官表解職及喪官舍設靈坐

誣盜

又曰閭繒後母誣繒盜父時金寶訟於有司被  
清議所棄十年無怨色孝謹不急母意解更移

乃得中正復品

增為弟驅驢

史系盧操字安節事繼母張氏  
以孝聞張生三子每命操為三

子執勤主炊操不以為勞張誨其子讀書三子每出張  
命隨驢以摧之既執鞭引繩如僮僕三子復謂曰隨驢

何如我讀書操曰不讀書所以逐驢恒為三

出母無

服禮為父後者為出母無服注云不敢以私喪廢宗祀之禮

母賤不聘

左傳聲伯之母不聘

穆姜曰吾不以妾為姒也

後母五

原賛晉左九嬪齊義繼母賛曰聖教元化禮貴信誠至哉繼母行合典經不遺宿諾義割私情表德來裔垂則後生

增詩唐韓愈履霜操云父兮兒寒母兮兒飢兒罪當答



逐兒何為兒在中野以宿以處四無人聲誰與兒語兒  
寒何衣兒飢何食兒行于野履霜以跡母生衆兒有母  
憐之獨無母憐兒寧不悲

增頌唐駱賓王靈泉頌曰顧我罔極因心感至冥契動  
天甘泉湧地泠泠無竭蒸蒸不匱曾是我思永錫爾類  
諫父母一

增禮記曰事親有隱而無犯注有隱不稱揚過失無犯  
不犯顏諫諍也又曰子之事親三諫不聽則號泣而

隨之 又曰子諫父母不悅與其得罪于鄉黨州閭寧  
熟諫注言使父母得罪寧不悅而熟諫熟極也 左傳  
曰自王以下各有父兄子弟以補察其過 子曰君子  
弛其親之過弛棄也 孝經曰父有爭子則身不陷于  
不義故子不可以不爭于父從父之令又焉得為孝乎  
諫父母二

增書曰舜父頑母嚚克諧以孝承烝烝乂不格姦瞽瞍亦  
允若

諫父母三

增洗沐諷親

涕泣規父

史記曹參代蕭何為相國日夜飲酒子窋為中大夫惠帝

怪之令窋言曰無所請事何以憂天下窋洗沐歸具言乃答窋一百曰趣入侍天下事非汝所當言也唐書史孝章父憲誠得魏遷士曹參軍孝章見父數奸命內非之乘間諫曰大人身封侯家富不貲非痛洗漑竭節事上恐吾踵不旋禍且至因涕泣沾衿

託疾勸親

流涕諫母

上揚厚事見後

母類晉書王祥弟覽字元通母朱氏遇祥無道覽年數歲見祥被撻輒流涕抱持及長每諫母毋少止朱使祥非理覽亦與焉虐使祥妻覽妻亦趨往祥漸有時譽朱深疾之乃酖祥覽知取酒祥亦爭之不與朱遽翻之後每食覽必嘗之朱意乃止

原在於交游尚不成人之惡

矧伊

子道豈宜陷父於非

諫父母四

原下氣怡色

內則曰父母有過下氣怡色柔聲以諫諫若不入起敬起孝悅則復諫起更也

微諫不倦

禮記子曰從命不怠微諫不倦勞而無怨可謂孝乎

又敬不違

論語子曰

事父母幾諫見志不從又敬不違

吳恢撫首

吳祐事詳知子類

孕一

增易曰婦孕不育象曰婦孕不育失其道也 又曰婦

三歲不孕

詩曰下莞上簟乃安斯寢乃占我夢吉夢

維何維熊維羆維虺維蛇 又曰大人占之維熊維羆  
男子之祥維虺維蛇女子之祥 淮南子曰孕婦見兔  
其子缺脣見麋其子必四目 博物志曰婦人妊娠不  
欲見醜惡物異鳥獸食亦當避異常味勿見熊虎豹射  
御食牛心白犬肉鯉魚頭正席而坐割不正不食聽誦  
詩書諷詠之聲不聽淫聲不視邪色以此產子子賢明  
端正壽考所謂胎教之法

孕二

增列女傳曰太妊者文王之母性專一及其有身目不視惡色耳不聽惡聲口不出惡言以胎教也大戴禮

曰周后娠成王于身立而不跂坐而不差獨處不侶雖怒不詈胎教之謂也書之玉版藏之金匱置之宗廟為後世戒左傳曰晉惠公之在梁也梁伯妻之梁嬴孕過期卜招父與其子卜之其子曰將生一男一女招曰然男為人臣女為人妾故名男曰圉女曰妾及子圉西質妾為宦女焉漢書曰張蒼妻妾百數嘗孕者不復

幸

孕三

增夢月入懷

吞電在口

漢書初王禁妻李親任政君在身夢月入其懷後漢書

鮮卑擅名槐者其父投鹿侯初從匈奴軍三年其妻在家生子投鹿侯怪而欲殺之妻言會行聞雷震欲仰天視而電入口因吞之

印綬登樓

山梁履石

上漢張奐事見

父子繼業類山堂肆考隋文中子母銅川夫人經山梁履巨石而有娠遂生文中子

銅盆墜

星泗濱得石

晉書桓元字靈實溫之孽子也母馬氏嘗與同輩夜坐月下見一流星墜銅盆

中忽如一寸大珠炯然明淨以數接取馬氏得而吞之遂有孕生元北史高琳母嘗被楔泗濱見一石光彩

可愛遂持歸是夕夢人謂曰此浮磬之精若保之必生令子俄而有孕生琳

鳳集左肩

鴉來畫夢

南史徐陵母臧氏夢五色雲化為鳳集其左肩已而有娠陵數歲寶誌摩其頂曰天上石

麒麟也

又雲逸母晝寢夢重鳳集其身因有娠又聞

腹中啼聲寶誌曰生當為神仙宗伯錦繡萬花谷王

知遠母晝寢夢鴉集其身因有

娠寶誌曰生子為當世文士

魚抱日精 鵠翔雲

表

晉書劉元海之父豹妻祈子于龍門有大魚二角躍

鱗而出其夜夢所見魚化為人抱一物授其妻曰此

是日精服之必生貴子自是懷孕十三月乃生元海

拾遺記吳張承之母孫氏懷孕之時鄰人相謂曰昨見

張家有白鵠從室入雲承之母使人占之占者曰鵠延

年之物也從室入雲自卑升高之象也使子孫位極人

臣名擅江表若生子可名曰鵠後承

鈴落凝祥

虹



流叶瑞

南史梁任遙仕齊為中散大夫妻裴氏夢五色彩旗四角懸鈴一落入懷中遂有娠生昉八歲

能屬文褚彥回謂遙曰卿有令子所謂百不為多一不為少

娠生子兩手握拳不開昭王嘆之即開左手有文曰公右手有文曰羽遂賜姓翁氏

金爐入夢

玉女吞霞

雲笈經陶隱居初生其母夢日精在懷二天人手執金香爐來至其所因而有孕

山堂肆考李老君之母王母嘗晝寢夢五色霞光入戶結如彈丸流入玉女口中遂有孕

陳妻繞

井竇母渡河

博物志陳成初生十女苦之或曰婦人妊身三月未滿必著裙衣冠平旦繞井

三匝映水視影必生男成遂使妻繞井三匝祝曰女為陰男為陽女多災男多祥後果得孕生男北齊書竇泰母有妊期而不產大懼有巫云渡河滿裙必易生因至水所忽一人云當生貴子還家生泰

金席

祥光

玉童嘉瑞

宋書南海扶南王陽邁初在孕其母夢生兒有人以金席藉之其色光麗

吳人謂金之精者為陽邁故名湘山野錄相國王公丙申歲為譙幕值歲飢公奏乞貸種粒牛糧朝廷可之一夕夢中有一人召公出拜見一人紫綬象簡遣一綠衣州童曰以汝有憂民之心上帝賜此童為宰相子授訖寤是夕夫人孕焉後果生一子乃慶之也器格清粹能談紫府間事祥符壬子歲謂所親曰上元夫人命我為玉童為吾父未受相印受則吾去矣不數日公果正拜踰月慶之卒

王燕投懷

黑

猿感孕

明皇實錄張訖母夢玉燕自東來投入懷因而有孕生訖後為相卽氏聞見錄卽康節母李

氏山行于雲霞間見一黑猿有感而娠

孕四

增汲水成桑

尚書本傳伊尹母方孕行汲化為枯桑其夫尋至水濱見桑穴中有兒乃收養之

太白臨居

洞冥記東方朔母田氏寡居夢太白星臨其上因有妊田氏歎曰無夫而妊人將棄

我乃移代都東方里為居五月旦生朔因以所居里為氏朔為名

張衡後身

後漢張衡之死

蔡邕母始孕二人才貌相類人云邕是衡之後身

黃牛異種

魏略黃牛羗種孕身六月生

氣如雞子

又曰昔北有橐離國者其王侍婢有身王欲殺之婢云有氣如雞子來下我故有身

後生子王捐之于溷中豬以喙噓之徙于馬欄中馬以氣噓之乃今其母牧畜之名曰東明今牧馬東明善射

王恐奪其國欲殺之東明走之淹水以弓擊水魚鼈浮為橋東明得渡追兵不及東明因都王扶餘之地

浴潢水濱

外國圓方丘之上暑濕生男子三十而死其潢水婦人入浴出則乳矣是去九竅二萬四

千里叱聲震外

會稽先賢傳吳侍中則澤字德潤在母胞八月叱聲震外

乘雲以

出

括地圖大人國其民孕三十六年而生兒長大能乘雲蓋龍類去會稽四萬六千里

夢迴

漳水

晉書苻堅母苟氏嘗游漳水祈嗣于西門豹祠其夜夢與神交因而有孕

三年乃生

異苑太原溫磐石母懷身三年然後生墮地便坐而笑髮覆眉而牙齒皆具

避水遷樓

青箱

紀宋王欽若父仲華侍祖郁任官鄂渚欽若母有孕值江水暴溢急遷黃鵠樓始免

紫衣入夢

吾學編尚書韓文母妊夢紫衣人言與爾文潞公後遂名文

御定淵鑑類函卷二百四十三